



СЫКТЫВКАР 2011



В.М. Грабежова

# Öти рөдысь

Очеркъяс, висьгьяс, кывбурьяс

Сыктывкар 2011

Грабежова В.М. Ќти рўдысь: очеркьяс, висьтьяс, кывбурьяс /  
В.М. Грабежова. — Сыктывкар, 2011. — 60 с.

Сьёлёмсянь аттьёала **Лидия Александровна Терентьеваёс**  
(Гарьяысь Тима Машёлысь — Конанова Мария Ильиничналысь —  
нывсё), кодсянь юёрыс лоис зэв коланаён ас рўд тўдмалан уджын да  
ышўдїс быть ветлыны архивё. Аддзи архив документьясысь, кыдзи  
шулўмаёсь прадед-прабабёс вичьяс сертиыс, кыдзи паськаліс-содїс  
рўдыс, но ещў унатор на колё корсьны-тўдмавны, мед аддзыны  
рўднымлысь воддза кўленаяссё. Уна юалан пас пуктўма рўд пу  
петкўдлан гижўдас. Удайтчас на, гашкў, водзё мыйкў тўдмавны. Та  
кад кежлў мый тўдса, пасйўма небўгас.

Пасья, мый мамьясным – Лидия Александровналўн да менам –  
воча чойяс, а сылўн ыджыд айыс менам ыджыд мамлўн рўдимўй вокўн  
вўлўма.

Небўгас пыртї ас рўдня йылысь водзджык нин йўзўдлўм очеркьяс,  
висьтьяс, кывбурьяс.

Тима рўдысь петўм челядь-внукьяслы сиўма тайў небўгсё.

Стўчмўдана содтўд юбръясўн кора шыўдчыны ме дорў.

Ола Сыктывкарын, гортса телефон: 43-74-93.

сот.: 89042277289

#### **Аттьё**

**Валентина Викторовна Филипповалы (Терентьевалы),**

**Конанов Николай Федоровичлы,**

**мамлы – Анна Федоровна Кузьбожевалы,**

**менё гўгўрвоўмысь да тайў небўгсё дасьтыны**

**отсасьбмысь.**

## РӨД ПУ

Вөлөгда губерниясы Усть-Сысольск уездса Гарья сиктын Силин ова йөзсө пасылымомась 1719 воын нин. Сикт кодяс вөлөма 17 овмөс, и кутшөмкө на пиысь, дерт, вөлөма Силинъяслөн. 300 гөгөр во нин паськалис-содис рөдыс, а тайө 14-15 көлена миян кадөдз.

Архив документьясысь корсьысигөн сюрисны Силин ова, бать сертиыс Тимофеевич нима йөз, кодьясянь, тыдалө, и паськаломә Тима рөдыс. Сідзкө, рөд пуктысьнас вөлөма Тимофей Силин, сылөн челядь:

*Иван Тимофеевич Силин*

*Василий Тимофеевич Силин*

*Дарья Тимофеевна ? (верөс сертиыс Попова)*

Рөд-көленаяссө тані петкөдлөма *Иванлөн* писянь — **Өлексей Ивановичсянь** (1860?-1915?). Гөтырнас лөма Паджга вөлөсьтса Борисовская грездысь (Савапиянысь) Фёкла нима ныв.

**I. Өлексей Иванович да Фекла Степановна (1860-1906?)  
Силинъяс**

**II. Налөн челядь**

*Илья (1881-1914?)*

*Петыр (1893-1914?)*

*Меланья (1897-1971)*

*Дмитрий (1900-1900)*

*Мария (1902-1985?)*

мөдысь гөтрасьөм бөрын (Пелагея гөтыр, Ыбысь) Алексей Иванович Силинлөн чужөмаось

*Иван (1910? – 19...)*

*Матрена (1913-2008)*

**III. Өлексей Иванович Силинлөн внукьясөн лөоны:**

**Илья Өлексеевич да Аграфена Васильевна (1882-1968) Силинъяслөн челядь (абу нин ловьяөсь)**

*Өлексей (1905? - ?)*

*Мария (1908-1987)*

*Василий (1910-1943)*

Меланья Олексеевна (Силина) да Фёдор Петрович  
(1895-1977) Оверингяслөн челядь (прözвищегыс  
Мелкөй)

*Өндрей* (1921-1943)

*Анна* (1925)

*Өльөксан* (1928-2009),

*Модест* (1932-1988)

Мария Олексеевна Силиналөн (Вяткиналөн) ныв  
*Тамара* (1929-1970?, верөс сертигыс Костарева), олісны  
Перымын

Иван Олексеевич Силинлөн челядь (некод нин абу  
ловья)

*Нина*

*Василий?*

мөдыс гөтрасьом бөрын (Ольга гөтыр) чужисны

*Виталий*

*Юрий* (1940- 2005?)

Матрена Олексеевна Поляковалөн (Силиналөн)  
челядь

*Виталий* (1932-1953?)

*Нина* (1941), оло Сыктывкарын

*Анатолий* (1951), оло Пажгаса Парчим грездын

#### IV. Олексей Иванович Силинлөн правнукъяс:

Олексей Ильич Силинлөн ныв — *Тамара Олексеевна*  
*Подорова (Силина, 1927-1999)*

Василий Ильич Силинлөн пи — *Бертольд* (1940) оло  
Эжваын

Мария Ильинична (Силина) да Ольөксан Максимович  
Конановьяслөн челядь — нывьяс *Тамара* (1929) оло  
Керчомьяын, *Лидия* (1931) оло Винла сиктын, **пиян**  
*Виталий* (1935) да *Николай* (1950) — олоны  
Сыктывкарын

Тамара Костаревалён — ныв Елена Сергеевна (1965)  
Анна Федоровна (Оверина) да Михаил Тихонович  
Кузьбожевъяслён челядь — нывъяс *Валентина* (1947),  
*Ия* (1950), пи *Александр* (1953). Ия да *Ольксан* олöны  
Пажгаын

Ольксан Фёдорович да Раиса Григорьевна Оверинь-  
яслён челядь — пи *Александр* (1956), нывъяс *Надежда*  
(1959), *Вера* (1962) олöны Сыктывкарын

Модест Фёдорович да Юлия Александровна Оверинь-  
яслён челядь — нывъяс *Лия* (1960) олö Пыссаын (Удора),  
*Татьяна* (1967) олö Первомайской посёлöкын, пи  
*Владимир* (1962-1993)

Нина Андреевна Осиповалён (Полякова) — пи  
Дмитрий Кутькин (1981), ныв Александра Кутькина  
(1982) олöны Сыктывкарын

Анатолий Николаевич да Надежда Алексеевна  
Поляковъяслён — пи *Василий* (1977) олö Пажгаын,  
нывъяс *Эдита* (1972), *Мария* (1979) олöны Сыктывкарын

## V. *Олексей Иванович Силинлөн праправнукъяс...*

Тайö кöленасö водзö на колö нюжöдны. Тöда, мый V-öд  
кöленаас эмöсь *Öндрей*, *Дарья*, *Семен Павел*, *Митрей*,  
*Наталья* нима праправнукъяс, а квайтöдас эм *Ольксан*,  
*Тимофей*, *Федор*, *Илья* нима пиян. Тима *Олексей*  
*Иванович*сянныс сизимöд кöленаöдзыс рöдыс век лö  
рöдвужöн, вирыс на, гашкö, рöдсö пуктысыяслөн визувтö на  
пытшкын

И зэв бур, том йöзыс кö пондасны тöдны да пыдди  
пуктыны ассыс вужъяссö, чужан мусö, чужан кывсö.

*Пасйöд*: Видзöдлöй шöрсä лист боксыс «Силин рöдлыс  
ордпу». Силин рöд петкöдлысь йöзыслысь сетöма нимъяссö  
сöмын, чужан воястöгыс. Весиг абу на ставыс.

## СО КЫДЗИ ВӨЛӨМА

Мортыд олан да быттыёкё ставсё аслад рөдвуж йылысь төдан, а, вөлөмкё, сы мында на овлө төдтөмыс: шензян сөмын, мыйла та йылысь эг төд да некод ас рөдысь водзджыксё эз гаравлы.

Шензянакодь вөлі өти төдмасьөм — выльысь төдмасьөм. Артмис тайё во дас вит сайын кымын. Валентина Викторовна Филипповакөд, Сыктывкарса университетын велөдыськөд, төдсакодьөсь нин сэки вөлім, удж кузя вочаасьлім. А выльысь паныдасьөмыс лоис Гарьясянь карё локтысь автобусын. Видзаасим, өта-мөдлысь юасим, коді кытчө, кутшөм мөгөн волім. Ме, мися, мамөс видлыны волі. Валентина Викторовна висьталіс, мый воліс отсыштны картофел ь керны аслас дядьлы, Конанов Николайлы (Гарьяса ног – Роч Колялы. Дядьыс Валентиналөн карын жө олө, уджалө карса поликлиникаын врачөн). Ме водзө понді юасыны, кызди Николайыс сылы дядьнас лоө, сійө жө, мися, миян мамсянь рөд. Николайыс пө менам мамлөн вок, шуис Валентина Викторовна. Вот тайё да! Мися, Николайыслөн да тэнад мамыдлөн мамыс – Тима Марья (Конанова Мария Ильинична), менам ыджыд мамлөн вежа нылыс? Стөч пө, Тима Марьяыс пө меным ыджыд мам. Дерт, төда жө вөлі Марья тьөткаыслөн ыджыдджык челядь йывсыс, но кор тадзи төдмалі сылысь внучкасө, лоис виччысьтөм и сэк жө нимкодь, вирөй шызис! Төдтөм төдса, рөдвуж морт нин Валентина Викторовна вылө кути видзөдны мөд ногөн. Но и пансис миян сёрниным, пондім казтывны, коді кодсянь, кызди, кутшөм боксянь лоам рөдвужнас.

Ме тшөкыда казтывла асьсым ыджыд мамөс, Оверина (ныв дырйиыс Силина) Меланья Алексеевнаөс, сійө ёна видзис-быдтіс менө да. Ас кежысь мөвгьясөн сёрнита ськөд, юкся аслам олөмын лоөмторьясөн. Со өд, мися, ыджыд мамө, эн ло да мыйлакө некод прамөясө рөдьястө оз төд. Ачымсө эськө важысянь нин көсья архивө волыны да корсыштны документьяссыс колана пасйөдьяссө, да век

мыйкӧ ог слӧймы. Ме окотапырысь казгыла бур йӧзсӧ, кодъяс велӧдӧсны менӧ овны, кодъяс вылӧ видзӧдӧмӧн век кӧсйи лоны бурӧн. Кӧть оз пыр весътас артмыв: быдторйыс олӧмад овлӧ, – но зӧля лоны шанӧн, зӧля лоны бурӧн...

Колис кад, ыставлӧм Валентина Викторовнакӧд асланым мамъяслы привет-поклонъяс. Зӧв любӧ, мый ми мамъясладорсян рӧдняяс.

2007-ӧд воӧ «Коми му» газет йӧзӧдлӧс ыджыд мамлӧн олӧм йылысь «Эз ло Перымса барушняӧн» менсьым висът. Тӧдӧи век, мый Меланья Алексеевналӧн (висътас Маня) вӧвлӧма Илля вок, кодӧс босытлӧмаӧсь 1914-ӧд воӧ первой мирӧвӧй война вылӧ, и сӧйӧ бӧрсӧ гортас абу волӧма, усьӧма тышас. Вӧлӧма мӧд вок — Петыр (лои тӧдмалӧма архивысь), Иллясыс 12 воӧн томджык, гӧтыртӧм-котыртӧм. Сӧеки сӧйӧс нуӧмаӧсь жӧ война вылас. Аслам гижӧдын колӧс эськӧ Петырӧ казгытывны, мый воас да гӧтраласны, а ме Иллясӧ петкӧдлӧи гӧтыртӧм на том мортнас. Гижтӧдз войдӧр мыйкӧ юавлӧи мамлысь, но сылӧн вунласьӧма жӧ унатор. И лоис менам висътын Илляыс том зонмӧн, кодӧс кӧсйысисны гӧтравны война вывсьыс локтӧм бӧрын.



А вӧлӧмасӧ дзик мӧд ногӧн. Та йылысь юӧрсӧ вайис Валентина Викторовна. Сылӧн мамыс, Лидия Александровна Терентьева (ныв дырйыс Конанова, Тима Машӧлӧн нылыс) лыддьӧма газетысь менсьым висътӧс, и казялӧма нелючкитӧ. Дерт, олӧма мортыдлы эз во сьӧлӧм вылас олӧмсӧ торкӧмнад петкӧдлӧмыд. Валентина Викторовна гижӧма мамыслысь сӧрни-сӧ, кытысь и воссис, кыдзи ми рӧдвужнас лоам, зӧв на матыс рӧдвужӧн. Лидия Александровналӧн висътасьӧм-казгытлӧмыс ышӧдӧс лӧсьӧдны тайӧ гижӧдсӧ.

Лидия Александровна Терентьева (Конанова) висътысь:  
*«Ыджыд мам йылысь».*

Менам ыджыд мамӧ, Аграфена Васильевна, Гарьяса ногӧн Кӧваль Ӧгрӧ, чужӧма 1882-ӧд воӧ Маркапиян

грездын. Ыджыд мамө томнас вөлөма крепыд тушаа, тэрыб  
вөраса, збой. Нювчимсаяс шулөмаоьс «баская девка» пө,  
мича. Висьтавліс, гожөмъяснас пө көмтөг ветлөдла вөлі, лёк  
лы петөма кок чуньо, доймө, көмасы да.

Өгрө петлөма верөс сайө Тима Олексея Илля сайө,  
лоөма Силинаөн. Том нывъяс пө рөштво дырйи кывзысим,  
кодарсянь жөникөй локтас. Кыкладорсянь пө эськө кылі, а  
бөрйи пө гарьясасө. И со 1914-өд вося войнаөдзыс Иллялөн  
да Öгрөлөн чужөма нин куим челядь. Мыйлакө тай со  
челядя мортсө тшөтш босьтөмаоьс война вылас, өтлаын  
Оверин Педөр зятьыскөд, Маланья Олексеевна чойыслөн  
верөскөд, (төдмалөма лоис, мый и Петыркөд, Иллялөн  
томджык воыскөд — В.Г.) мунлөмаоьс немечкөд кось  
вылас. Ыджыд мамнымлөн дөзьөр улө кольөмаоьс ичөт  
арлыда челядь: Олексея, Марья (менама мам), Василей.

Иллясө армияад босьтөм бөрын верөстөгыд сьөкыд  
лоөма, дерт. Кыдзи олөма, кыдзи быдтысьлөма, унаысь  
гаравліс. Ковмылөма аслыс ытшкыны-куртны, төчилатө  
бергөдлыны, зорөдтө чөвтны, пестө лөсьөдны — став  
кресьтянскөй уджсө керны. А гортас челядьыс на  
виччысьөны мамтө.

Тшөкыда казьтывліс верөссө, миянлысь ыджыд айнымөс  
— Силин Илья Алексеевичөс. Дас восьыс муртса унджык  
олөмаоьс. Война вывсьыд пө эз лок, кытчө дзебисны-  
гуалісны, эг аддзылөй, ог төдөй. А лолыс пө, буракө, меным  
отсасьліс. Зорөдыд пө, көть кутшөм төла эз вөвлы, век бура  
артмыліс, турун си пө эз лэбөдлы. Егырө пуктысьны кая,  
войөдзыс уджала. Кор пемдас өна нин, зорөд вылас пө и узя:  
гортөдз ылын, водз асывсяньыд сөрөдз уджалан да мудзан.  
Аскинас шонді петігас бара ытшкыны колө. Öтчыд пө зорөд  
чөвтны помалі да видз вылысь өтнама локта, пемдыны  
пондіс. Польшта пө, дарөм збойөн ачымөс лыддя, өдйөкодь  
пө и муна кыскасян туйөдыс, өтарө-мөдарө видзөдігтырйи.  
Сэсса пө туй мөдарас, ылынкодь мясянь, английскөй френча  
салдатлөн мыгөрыс петкөдчис, ме пө муна, и сійө тшөтш  
восьлалө, но оз матыстчы. А мунан модаыс пө быгтьө дзык  
Иллялөн кодь. Петі пө вөрсьыс, полөмөй бырыштіс,

видзөдлі, а мортыд оз нин тыдав. Юрө пö воис, тайö тай Илля верөсöй менö колльöдiс, лёксьыс видзис. Пернапасася да шуала: «Пасибö, Илля, пасибö, менö видзан да». Сэсся пö гортын öтигысь водз асылö садьми — шердынöй усьласьö, чипанъяс котсьöны, сунлабич вылын мыйкö тожö кутш-котшкывлö. Видзөдлі пö — ставыс лючки-ладнö, некод абу нинöм вөрзьöдöма. Мый водзын тадзисö, думайта, али нö Илляöй волiс? Висьтаси чойяслы, Малань аянывлы, да найö сiдзи жö шуисны: сiйö пö Илляыд, коньöр, ачыс эз лок, да лолыс волiс-пыралiс гортад.

Коркö öти письмö волöма жö Иллясянныс, удитлöма пасйыштны: куйлам пö окопын, няйт, кöдзыд, сукар йирам. Ыджыд мам пыр виччысьöма ассьыс верөссö, эскöма, мый Илляыс некыдз эз вермы вунöдны ассьыс муса гöтырсö, ныв-пиянсö да, эз кö лок, аслас ловнас отсасьлiс налы, видзис лёксьыс.

Ыджыд мамным ёна радейтiс сьывны, ныр улас пыр мыйкö сьылiс-мургис, кужис мойдны зэв лöсьыда. Локтас вöли мянö удж бöрас, и челядь чукöр ог лэдзöй бöрсö мунны. Каям пöлатьö, и заводитчö мян мöд олöм — Бова королевичьяскöд, Илля Муромечьяскöд... Ёна кокньöдiс олöмнымöс 1941-1945 воясся война каднас. Медмуса мортөн мянны вöли. Силина Аграфена Васильевнагысь война кадся уджсö «За трудовую доблесть. 1941-1945гг.» медальöн донъялöма.

### *Челядь, внукъяс*

Силин гозъялөн ыджыд пиыс — Öлексейыс — томөн кулöма. Керкасö лэптыны вöрсö кыскалiгөн ёна кынмöма, сэсся висьöмсьыс абу и правитчöма, эновтöма таладор югыдсö. Колис сьлөн Тамара ныв. Тамара Алексеевна (öни абу нин ловъя) вöли математикөн, дыр кад уджалiс школаын, Паджгаса детдомын. Бөръя вояссö олiс Гарьяын, чужан сиктас. Тима Тамаралөн кыкнан пиыс, Евгений да Владимир, олöны-уджалöны асланыс сиктын, Силинъяс.

Медiчöt каганас вöли мöд пиыс — Тима Василей, Василий Ильич Силин — велöдчылöма бура, лöма математика велöдысьөн, уджавлöма Паджга школаын,

директоралома, сэсса босьтомаоь роноо инспекторон. Армияысь локтом бoras готрасяс Маша нима ныв выло. Марья Васильевнаыс, коді лоома миян ыджыд мамлы моньон, зэв шань вoлoма, фельдшерон уджалoма. Гозьялoн кык пи чужлoма — Альберт да Эдуард, но дизентерия висьoм ытшкыштoма кыкнансo, oти воo кулoмаoь. Маша тьoтка да Василей чож eна шогсисны, сьoкыд лoомторьясыс здоровьесo жугoдiсны. Висигас нин тeтa Машалoн чужис пи, нимсo сетiсны Бертольд, ичoт нимыс — Бертик. Эз дыр удайтчы видзны писo бaть-мaмыслы. Медводз кулис мамыс, Марья Васильевна, сэсса бaтьыс — Василей Ильич. Василей чожнымoс ыстылoмаoь роносянныс санаторийo бурдoдчыштны, но бoр ковмoма локны гортас гoтырсo дзeбны. Висьтасьoма, сaдьoс пo воштылі, гoтыр кулoм йывсьыс юoрыс воис да. Чoжo кутiс eна висьны, локтiс гортас, Гарьяo: уполномoчeннoйoн районсянныс индoмаoь вoлi. Сэсса, гaшкo пo, сoстoм сынoдыс отсалас бурдны. Мoс лoсьoдлiс, мe ськoд куртны ветлывлi: турунтoгыд кьдзи мoстo видзан. Шуас вoлi: тe котoрт, Лидя, a мe ньoжйoник локтa. Чoжoлы картoчка выло нянь сетлiсны, шкoлаысь локтiгмoз вая сылы нянь нормасo. Грамoтнoй, тoлка морт дoрад сиктса йoзыс волывлiсны сoветуйтчыны. Шaнь вoлi, овны да овны эськo. Oнитo, дерт эськo лечитiсны, но война кaднaд тшыг нисьo пoт oлiгaд висьoмыс вeнiс морттo. Кулис мeнaм Василей чoжoй 1943-oд воo. Шкoласa стaв вeлoдысьыс и вeлoдчысьыс, сиктса йoзыс кoлльoдiсны шaнь морттo бoрья туяс. Кулигас шуoмa: миян пo лoo пoбeдaыс.

Колис кyим apoсa Бертик пийс сирoтaoн, да ыджыд мамнымлы, Aгpaфeнa Васильевнaлы, ичoт кaгaнaд eнa нoксьыны кoвмис. Рытьяснaс дзyзгaн бioн, кoдзыднaс пaччoрын — кьдзкo тaй нoксис-a. Ми чoй-вoк отсaсьлiм, вoрсoдiм. Ыджыд мaм Бертикoс Гeняoн вoлi шуo, сьoкыд пo нимыс да. A внукыс мaмoн шуис сийoс. Бертольд бyрa зэв вeлoдчис, бьдмис, лoис зиль мортoн, oнi oлo. Эжвaын. Жaлитa, мый вoчa вoккoд oг чaстo aддзысьлoй.

Конанова Мария Ильинична (нын дырйиыс Силина), шөркөст быдтасыс ыджыд мамөлөн — менам мамой. Коньорой да матушка мамой, бура олөмсө ёна эз и аддзыв! Ставыс дум выло усло, казтыла да борда.

Батнымос, Александр Максимович Конановос, босытисны война вылас 1941-од вося юль толысыс, а уси мод онас февральын. Колим куим челядь: Тамара чойлы 12 арос, меным 10 арос, Витя воклы — квайт. Кыномаон мамным кольлома, сесся январ толысыс Паджга больничачо мунигас и чужны кутас кагайд туй вылас. Кыдзко кысыс Рой грездса оти керкаодз. Кильчо вылас по кайи, борда, голосой по абу нин, кильчо вылас и родити. Кагайд по бордны кутис, да козяеваыс лэдзисны керкаас, паччорас водтодисны, кагалы рузум нень сетисны. Больничачас по аскинас волисти веськалі.

Мамным война каднас скот дорын уджалис, корымто, вато ок уна ас вылас кыскаліс, век воли локтас йизьом кока. Тшөкыда отсавлим кынмом-йизьом сапогсыс коксо перйыны. Ми, челядь, гортса уджыасто вочам воли, пожасям, картофеля сочон выло пызыд тырмыштліс.

Мамным век видзис мос, коть йовсо геждо сейлим, сы восна мый ставсо сетлим поставка выло. Асьным воли лыстам, од мамнымлы колхоз скот картаас уджыс тырмыліс, серон локыліс. Отикыс гождомнас мосным гортө эз лок, лун дай мод. Лун-лун корсим, мамным, дерт, енджыкасө котралис. Вежон кымын колис, эг нин надейтчой аддзыны, чайтим нюрө кыгчөкө сибдомон-войомон. Оти асылө мамө вежаньолон (Меланья Алексеевна Овериналон, ыджыд айө чойлон) Ольоксан пиыс которон локтис, горзө: Машө тьотка, москыд бойняын! Ыб да Гарья костас сэки чукортөны воли мосьяссө поставка выло лэчөдны. И миян москыд ылалөма да ветлодло-баксө по вөлом потшөм йөр гөгөрыс. Бойня



видзысьясыс и йортасны мукод мосьяс дорас. Мамө ыджыд мамнымкод додясисны да тэрмасьомөн кайисны бойняө. Мамө нимнас городас мосьнымос, сийө и бакостас нораа. Скот видзысьясыс абу сетомаось мостө. Мамояс лэчасны Василей чошла, выльысь локтасны. Василий Ильич, толка мортыд, кужома сёрнитны, докажитома, мый тайө моссө некод эз сдایتлы карө лэччодом вылас. Сетасны од мостө мужикьясыс сэссия, абу пыксьомаось. Ми, чоя-вока чукөр, өшинь улын сулалам, виччысям Розукос, вердысьнымос. Муртса тыдовтчисны чой йылын, котортим паныд, малалам, окалам, бөрдам...

Ой, ой, зэв сьокыда быдмим война каднас. Но быдмим, велөдчим чоя-вокаяс ставным. Тамара чой помалис медучилище, 16 арөсөн мунис уджавны Керчомьяө фельдшерөн (петис сәни верос сайө, лоис Лютоева, быдтысис, бура олөны семьянас).

Тамара чой велөдчис нин карын, а ме гортын асывнас пөжася, котөрөн кык верста туйсө Паджга школаөдз которта. Сизим класс помали, сэссия велөдчи педучилищын. 1951-өд воө локти том уджалысьөн Ухта районса Порожск сиктө. Кык во мысти куті уджавны Винла сиктса школаын, нелямын во велөді челядьос, йозыскөд век нуөді мукөд уджъяс: политика йывсьыд ёна ковмыліс висьтавлыны, концерттө дасьтыны-петкодлыны, челядь бать-мамкод сёрнитны. Верөскөд асьыным көзьяйство вөдитим-дөзьоритим, быдтим челядьос, найө велөдчисны, петисны мортө.

Витя вок помалис горно-нефтяной техникум, вөлі бурөвөй мастерөн, өні пенсия вылын. Коля, медичот вок, лоис врачөн, уджалө карса поликлиникаын.

Важөн нин абуось дона мамөй, муса ыджыд мамөй, казтыла найос синва сорөн, аттьоала. Казтыла асьым чой-вокос, Гарьяса рөдвужос. Ог тай со ёна волывлөй чужан сиктаным, арлыд содіс, висьышталам. Но сьолөмын и вежөрын видза ас рөдвуж йылысь паметьсө: Гарьяса Тима рөдысь ми, и Тима рөдсө ог янөдөй».

Со татшом висътасьом-казытълөм воис меным Лидия Александровна Терентьевасянь. Аттьо-пасибö шань мортлы, сы мында выльтор восьтi ас рөдвуж йылысь. Зумыдмис менам вежөрн ыджыд мамлөн рөд йылысь төдөмлуныс, мый Тима рөдысь Олексе́й Иванович да Фекла Степановна Силинъяслөн ныв-пийс да налөн нин быдтасьясыс ставөн авъя, шань, зиль йөзөн вөлөмаось. Лидия Александровнакөд, сълөн чой-вокъяскөд ми нельөд көленаыс лоам тайö ыджыд рөдсыс. Зэв ёна көсья, мед эськө миян челядь оз вунөдны, кытысь-кодлөн вөлісны найөс чужтысь-быдтысьясыс.

2011 во



**Тима Марья (Конанова Мария Ильинична)  
аслас нывъяскөд—Тамаракөд да Лидиякөд.  
Гарьян Зыбай Модест (Оверин М.С.) керка дорын.  
1967 во.**

## ЛИДИЯ АЛЕКСАНДРОВНА ЙЫЛЫСЬ

*В.Хозяиновлөн «Рассвет над Винлой» небөг серти,  
петлёма Ухтаын 2007 воö*

Сыктывкарса педучилище помалём бöрын томиник Конанова Лидияос ыстисны Ухта районö Порожск сиктса семилетнöй школаö велöдысьöн. Мунны ковмис төварнöй поездöн Ижма станцияöдз (öни Сосногорск), куим лун сэни виччысьны, кор ваясны почта, а сэсса почта вайысь кык нывбабакöд пыжөн кывтны Аким грездöдз. Акимын Лидияос виччысисны нин, медым сідзжö пыжөн водзö кывтны Порожскöдз. Тайö вöлі 1950-öд воö.

Коркö овмöдчöм бöрас нин мамыс волёма видлыны нывсö. Кытчö пö бара ыстёмаось уджавнысö, эта ылнаö, некутшöм прамöй туй абу, ю кузя пыжъясьөн колö воöдчыны. Жалитёма Лидияос. (Гарьяад прамöй туйыс эськö эз жö вöв сэки, но карöдзыс ветлісны вөлөн ли машинаөн, да ва туйыд, дерт, Машö тьоткалы кажитчис лöсьыдтöмөн.) Но нылыс аддзис тані асьыс шудсö: уджас и олöмас...

Томиник, лöсьыдик тушаа-мыгöра ныв (ыджыд мамыс кодь «баская девка») пондiс овны гортсянныс ылі сиктын, велöдны сиктса посни войтырöс. Тайö кад йывсьыс казтьылігөн öни арлыда нин аньлөн шонавлö сёлöм бердыс, пöся аттьöалö йöзсö, кодъяс отсалісны том велöдысьлы лоны сійö мортнас, кодөн лоис Лидия Александровна — төлка, нимöдана, ас сиктас, районас пыдди пуктана мортөн.

Зіль аньлысь уджсö век вылö донъялісны, пасйисны уна сикас грамотаөн. Лидия Александровналөн эм «Ветеран труда» медаль, «Победитель социалистического соревнования» пас (знак), эм 1-öд номера медаль «За личный вклад в развитие Сосногорского района».

Велöдчöм мортыдлы сиктад быд сикас уджсö ковмыліс вöчны. Лидия Александровна 40 велöдiс школаын, томджыкнас художественнöй самодеятельность котыртіс, век нуöдiс партийнöй удж. Ас семьяас верöсыскöд быдтісны вит ныла-пияос, гортгөгöрса уджсö вöчисны, олісны ладөн, öта-мöдсö гөгөрвоёмөн.

Шань Терентьев гозьяос сулисны сир курыд шогьяс, кор ковмис дзевны-гуавны кык пиос: Ольоксанос да Валентинос. 1962-од воо Сапашылы вөлөма көкьямыс арос, кор кувтөдзис доймөма кыйсян ружьеон вөдитчигөн виччысытөг лыйомысь. А 24 арөса Валентин пиыс аслас өрткөд 1983-од вося тулысө йиа ва дырйи петасны пыжөн утка кыйны. Неминучаыд тай оз юась, кор да кызди сылы лонысө. Том йөзос та бөрын ловьянас некод сэсса абу аддзылөма.

Валентин вөлөма енбиа зонмөн, уна лыддысысьома гижөма кывбурьяс. Чойясыслы висьтавлөма, вөрөд ветлигөн ли вадорын пукалэгөн кодкө пө шөпкөдө быттьө кывбура строкаяссө, тшөктө гижны. Мича кывбурьяс артмылөмаось вөр-ва, ывла йылысь. Валентинлысь кывбурьяса тетрадьсө видзөны рөдвужыс, лыддылөны, бать-мамыс казтылөны асьыныс писө, чойясыс — воксө.

Олөмыс водзө тшөктис овны, крепитчыны, быдтыны нывьяссө. Лидия Александровна да Виктор Алексеевич Терентьевьяслөн найө куимөн: Людмила, Татьяна, Валентина.

Людмила да Татьяна Викторовная (двөйнияс) олөны да уджалөны ас сиктаныс, бать-мамыс кодь жө авьяось, тэрыбось, быдтө-ны челядьос. Сиктас чойяс югыд кодзувьяс кодьось, шаньось, шоньд, кыпыд ловру паськалө насынь, и йөзыс сибөдчөны на дорө, пыдди пуктөны.

Коймөд чойыс, Валентина Викторовна (верөс сертиыс Филиппова), 1981-од воо помалис Сыктывкарса университет, велөдчис аспирантураын, дорйысис, лоис ученөйөн, өни ачыс уджалө университетын, велөдө том йөзос радейтны чужан кыв, наука подув вылын туялө-восьтө коми фольклор, йөзкостса традицияс.

Филипповьяслөн куим челядь. Ыджыд нывныс помалис университет, а сылөн ичөтджык чоя-вокаыс — Ольоксан да Мария — водзын сөмын на воссьө паськыд туйыс. Мед жө наөн бөрийөм туйвизьясыс век лоасны югыдөн, шудаөн.

Мед Лидия Александровна да Виктор Алексеевич Терентьевьяслөн став внук-внучкаыс бура быдмасны, некор оз омөльтны ни янөдны рөдьясныслысь бур нимсө.

## ЭЗ ЛО ПЕРЫМСА БАРУШНЯӨН

*Висьт*

*(Висьт подулас збыль вöвлöмторгяс)*

Коми сиктгясысь төв кежлас унаөн ветлывлісны нажөвитчыны ылі каргясө...

И со во нин тырис Тима Маланьлөн – Манялөн – Перымö локтөмсянныс. Кольөм вонас та кадö жö – ноябрö – кузь туй таялөм бöрын сійö, томиник ань, воис Перым карö, көні эм Мötöвилака завод. Көсйис карөдз (Усть-Сыольскөдз) сөмын ветлыны нажөвитчыштны, а Перымөдз воис. Кыдзкө водзвыв артышттөг артмис татчö локтөмыс.

...1914-өд воö гожөм шөрнас, турун пуктан кадö, Германия война панөма Россиякөд. Благөвещенньö вичкоувса сикт-грездгясысь – Паджгаысь, Гаргяысь, Жуöдысь – босьталісны война вылö зонгясөс, том мужичöйясөс. Тима Маланьлөн, кольөм арнас верөс сайö петөм том аньлөн, мужикыс босьтөмаяс лыдас жö лои.

Энька-мамыслөн öтка пи вöснаыд өна сьөлөмыс пессис, эз кө и узышт туйö петан вечернянас-а, пыр мыйкө вомгорулас шуалис, пернапасасис помтөг, пывсян ломтыліс да сәні кевмысис. Рытлангыс сёрөнкөдь нин вежань-вежайыс, воча чой-вокыс чукөртчылісны Рассеяөс дорйыны мунысьөс колльөдны. Том гөтырыс асывбыд пусис-пөжасис, пызан лөсьөдіс, а лун сьөмөснас Марья чойыскөд котөртлісны Көджөдз приданнөй видз вылас төрыггя ытшкөм турунсö бергөдлыштны, лёддзальыштны.

Виддзыс Маланьялөн шыльквидзö Сыктыв таладорас, гуран ни вутш некутшөм абу. А туруныс! Мича да кос быд во артмылө, көть ачыд сөй. А мөскыд, дерт, татшөм көрымтö көть төвбыд азыма няклялас. Сөмын тай кык өн доддьыд төвбыд кежлад мөскыдлы оз на тырмы да мукөд туруныскөд сорлалөмөн вердөны, сәсся куканясьөм бөрас унджык сетлөны, мед бура правитчас да йөвсö содтас.

Кык чой тэрыба уджалісны, мед Маланья удитас на гортас пыравны: өд кык ыджыд вокыс аски тшөтш салдатö

мунёны. Петырыс Маланняясь нель арёсөн ыджыд, но семьятём на. А Илля воксё нё эськё, куим челядя батысь, мыйла тшотш нуоны? Колё и на ордё пыравны: мый бара Огрё гётырыс Иллялөн вочё, бёрдё кёнкё. Кёзяинтёг, батытёг кольё семьяыс. Ёна жё шаньёсь вокьясыс, пыр жалитисны кык ичотджык чойсё, мамтёгыс водз колины да.

Вадорсянь кайигён и пырыштліс ас гортас. Буретш Илляыс локтёма батыскөд прöщайтчыны, со и пукалыштисны-бёрдыштисны чоя-вокаяс. Илля вок пидзёс вылас пуксьыштёмён Марья кутліс сійёс, шлюпкис нырнас. Суртё юыштём бёрын батыныс, налөн ыджыд тушаа, ён, шань батыныс, нормёма жё, синваыс чепёсийёма, чужём чукыръяссё кётөдө. Илля пиыслөн семьялы кёсийс отсавны, кызди да мыйён вермас, нывъяссё велөдыштис жё, некор пö эн вунөдöй рөдвужтё, сэсса пö мамтёгыд водз колинныд да, быдмид да, век пö öта-мөд вöснаыд тöждысьöй, этайö пö ичотъяссё – Ивансё да Матренсё – эн жё öтдортöй, найö öд тиянлы чоя-вока жё, миян Тима рөдө мунёмась. А тэнö пö, Петыр, локтан да гөтралам, медлөсьыд невестасё бөрьям. Паладь ичиньныслөн вазыштёма жё вөлі синмыс, партук помнас чужёмсё чышкаліс.

Нормөм сёлөмөн кайис Маланняя выль гортас. Керкаыс Мелкөйяслөн зэв жё мичаинын сулаліс, пöшти сикт шöрас. Коркө, тыдалө, крепыд олысьясөн вөлөмаөсь пöль-пöчьясыс да часовня бокас керканысö и лэптылөмаөсь. Öнисö керкаыс омөльтчөма нин, но овны позьö на. Войнаыс помасяс да, дерт, ковмас выльöс лөсьөдны. Öні, слава Богу! челядь оз на лоны да сідз на овсяс мужикыс вотөдз. Енмыс төдө, кызди ставыс бергөдчас. Ас кежас «Отче наш...» лыддигён пырис керкаас. Энька-айкаыс лөсьөдісны мышноп пиныслы, а вежайыс, ветлөм мортыд, велөдіс тэчны нопсö, мед пö мышсö нинөм эз зурөд, пельпомыс мед эз воссьы вежапиыслөн. А вежапиыс, Маланняялөн верөсыс, юыштёма жё нин, кывзис да шпынняяліс. Гөтырыслысь пырөмсö аддзис да, зэв сюся видзөдліс, кодзыштёма көть, а ёсь синмас пыр жё шыбитчис гөрдөдыштём чужөмыс, вазьём синьясыс. Мича сылөн гөтырыс! Крепыд мыгөра, лөсьыд

морёса, чужо́мыс век банйыштёма, вом дорыс абу кыз ни вёсни, буретш ас сертиыс, ныр бордьясыс паськыдджыкось, но тайо эз торк нывлысь отувья мичсо, а веськыд видзодласа лозовруд синьясыс тодчодисны сылысь авъялунсо. «Гортад пыралін? Ме понда но бордан он эськө? Лок, пукалыштам отлаын, колөкө, мый дыра ог аддзысьлөй. А ме локта, Малань, вот аддзылан», – мелиасьыштіс веро́сыс да Маланняяс пельпомодыс кутыштөмөн пуксьодіс аскөдыс орччөн. «Пукышт, пукышт мужикыдкөд, кор сэсса аддзысяд», – бөрья кывьяссө синва сорыс нин, тіралан гөлөсөн шуис энъкаыс.

Гожся войыд дженъыд, югыд, эз и узыштыны, сёрнитісны асья кыаодзыс. Водз асывнас салдатө мунысьяс петісны туйо, уна керка помын кыліс гораа бөрдөм. Мунысьясөс колльөдісны сикт помөдз, олльөдз. Гортлань бөрсө локтігөн Елис энъкаыс шуис-керыштіс Маланняялы: «Ловья локтас, Енмыс видзас, быд лун пондам кевмыны!» Код вёсна ёнджыка доймис сёлөмыс дас сизим арөса моньыслөн: вокьясыс али мужикыс вёсна – энъкаыс эз и кут юасыны. А колөкө, өні ачыс нин том аныыс эськө эз висьтав, коді жальджык: юр пуктаніно өд ставнысө нуисны.

...Арся уджъяс помасисны, да энъка-айкаыскөд сёрни бөрын ичмонь лэччис карө слугаө медасылыны, выль семьялы эмбур вылас нажөвитыштыны.

Карө вотөдз узис-шойччис Выльгортын төдсаяс ордас. Сэні и кыліс Мөтөвелика йывсьыс: босьтоны пө көрта көлуй вөчан заводас уна йөзөс, колө пө өні вөчны уна сикас лыйсян оружйө – Рассеяөс дорйыны. Перымө мунысь выльгортсаыс чукөрмөма вөлі дасысь унджык морт: унджыкыс нывьяс, өти детинка, дас вит кымын арөса, да олөмаджык нин куим мужичөй. Том аныыд өдйө и төдмасис сы арлыда жө нывьяскөд. Туйө петісны нюжмасьтөг, көдзыд пуксьытөдзыс мед воны Перымө. Мунісны чужан сикт пырыс да удитіс кежавны ас гортас – батыскөд, Марья чойыскөд прөщайтчис. Мужик гортас пыраліс шоныд паськөмысла. Энъкаыс весиг дузыштіс, сы ылнаө пө

мөдөдчөмүд, том ичмоньдылы пө абу ошкана тайө туйыс. Сэссия сетчис жө, төдыштис нин моньыслысь оласногсө да. Мый шуас да мыйө босьтчас, помөдз вөчас. Елис колльөдыштис на Маланняяс мир туй вылөдзыс, пернапасалис, кутшөмкө пө юөр сет жө миянлы, Ен водзас пө тэ миян быдтаснымлөн пөлыс да Перымгьясад эн вунөд сы йылысь.

...Казанскөй вечерняө воисны ыджыд карас. Рытланьыс ям керкаө вөйысисны шойччыны: мыссисны, пелсалаьштисны паськөмнысө, дөмсисны. Завод кантораыс эськө абу зэв матын, но сэтчө мунөмүд абу нин кузь туй таялөмүд. Асывнас водз воисны удж вылө вөйысьысыяс. Унджыкыс мужичөйяс, но и нывьясыс тырмымөн. Удж вылө босьтигөн гижалисны быдөнөс, юасисны, кыгысь воөма, кымын арөс. Мужичөйясөс өдийө и ысталісны өтувьяс оланіньясө, баракө, көлуйсө шыбитны, да бөр часөнджынйөн мысти локны заводө, нюжмасьтөг уджө кутчысьны. Нывьяскөд канторасалөн сөрниыс дженьыд вөлі. Кытчө нө пө ставнытө тиянөс көрт вөчан удж вылас босьталам, баба уджьясыс пө заводас абу уна, и өнья кад кежлө миянлы некод оз ков. Перым карас пө господаяс слугаясөс корсьлөны, юасьлөй. Маланняялөн синваыс доршасис, сьөлөм доймытөдзыс забеднө босьтис. Кыдзи нө тайө? Мый нө пондас вөчны, оз кө уджыс ло?

Кантора дорас матыстчисны вьльгортса кык төдсаыс. Зэв прамөй дядьбөяс, сьөлөмсянныс жалитісны том аньөс, такөдісны, эн пө шөгсы. Бур йөзыс пө уна, аддзан уджтө карсьыс. Тэ кодь лөсьыд нылөс босьтасны көть пелькөдчыны, көть кага видзны. Вичкосө пө тай аддзылім, сэтчө пө мун. Талун өд ыджыд празник, йөзыс уна сәні, и господаяс волөны юрбитны-кевмысьны. Матыстчыв, юась, буретш кодлыкө слуга колө.

...Вичкоысь петіс нывбаба, ар нелямына. Аньыс Маланняялы кажитчис сэтшөм мичаөн. Сьөд бархат пальтоыс туша сертиыс, вөсни коссө лөсьыда шыркнитөма вөнөн, юр гөгөрыс гаровтөм кыз көса вылас дзоридза-зорьяса лөз кашемир чышьян. А синмыс вот гөрдөдөма,

бөрдөмә, тыдалө. Карса баруныясылы бытгё мөрччис кильчө дорас сулалысь пелькиник мыгөра нывлөн видзөдласыс. Кьдзкө уна йөз пиас буретш налөн вочаасисны син видзөдласьясыс: тайө здукнас бытгё кылісны өтамөдыслысь кодянькө бур кыв ли отсөг виччысьөмсө. Бөрзёдіс, буракө, аныслысь сьөлөмсө вичко дорас чукөртчөм йөзсыс мыйөнкө торъялыштысь нылыс. Небзьөм синмөн сюсьджыка видзөдліс. Нылыс абу карса, посни сера ас кьөм дөра сарапана, лөз чутөсь еджыд чышьяна, руд шушуна, кокас еждөм ныра сапожки. Да и бокас сулалысь туй ащикыс висьталіс, мый ылысь локтөма.

Нывбаба гөгөрвоис: удж корсьө. Матыстчис Маланняя дорө, юасыны пондіс. А коми нылыд рочнад оз гөгөрво. «Слуга надө? Быдтор кужа. Вару, мою... Сё умею», – юрнас неуна гогйөдлыштөмөн шуаліс. «Как звать-то?» – юаліс мича аныд, ачыс кинас өвтыштөмөн корис матыстчыны вевта телегаын пукалысь кучерсө. Водзө сёрнитіс, ме пө Анфиса Емельяновна, а тэнө пө Маняөн кута шуны. Лөсьыд пө? Сөмын-ө лөсьыд? Долыд!

Пукисны вевта телегаө, госпожаыс Маланняяс орччөн пуксьөдіс. Кучерыс, олөма мужичөй, ус пырыс нюмьөвтыштіс да, Маланняялысь дорөм пельөса ичөтик сундуксө коқ улас пуктігөн, комиөн юаліс, зыранка пө али коді, ме пө коми жө, татысь. Эм пө тані комиыс. Нывлөн пөсявліс весиг ки пьдөсыс, збыльысь тай паськыд светас бур йөзыс унджык. Воисны оланіөдзыс да көзьяка тшөктіс кучерыслы Маняөс төдмөдны өшинь увнас, олан жырнас, уджаланіннас. Бур господа дорө пө веськалің, көть озыра олысьяс, а миян кодыяссө пө оз ковтөм йөзөн лыддыны. Мужикыс пө зөв сюсь морт вөлі, инженераліс Мөтөвилака заводын, неважөн пө гуалім. Челядьыс абу. Пөрысь батьмамсө пө өні видзө да музыкаөн ворсны велөдө карса озыръяслысь челядьнысө.

Анфиса Емельяновналөн керкаыс кык судта ыджыд өсөбняк, кирпичысь. Сарлөн двореч кодьөн кажитчис сиктса нывлы: мичмөдөм курича гырысь өшиньяса, кильчөыс көрт тшупөда, перилөыс көртгысь дорөм узорьяса. Көртөн жө

мичмөдөм-доросалөм пыран өдзөсыс вичкосаысь муртса ичөтджык. Вылыс судтаас господаалөн олан жыръяс, улыссө юкөма кык пельө: мича сера джодж дөраа калидор өтарас ыджыд, югыд жыр – сөянін, столөвөй, а мөдарас – пусян-пөжасянін, слугаяслөн олан пельөсьяс. Тані жө, пелькиника идралөм неыджыд жырйын, лоис оланіныс Манялөн, вель пусысыслөн. Пу крөвать, пызантор, лабич, еджыд прөшвиа занавесьяса өшинь, джаджтор. Уджаланін и оланін. А уджавнытө Малання кужө, оз дөзмөд этатшөм шань көзьяйкаөс.

Өдйө и колис воыс татчө локтөмсянь. Талун рөдитель лун, Димитровскөй субөта пө. Төрытсаянь нин господа тшөктөм серти слугаяс дасьтысисны ыджыд празник кежлас: пусисны-пөжасисны, чышкисны-пелькөдісны усьөм пу коръясысь паськыд өшинь увсө, видзөдалісны-мавталісны вевта телега гөгыльяс, сыналісны вөвьяслысь бурьысьсө, видлалісны подковьяссө. Мед пө ставыс вөлі дась вичкөө да кар сайө кладбище вылө ветлігкежлө.

Маня водза-водз садьмис, пемыд өшиняс видзөдіг, куйлыштіс, кадыс вөлыштіс на да. Татшөм жө поводдяыс өні Гарьяын: то лымъялө да бөр сылө, то зэрө. Водз пемдө, сөрөн югдө. Михайлө лун кежлө тай сэсся лымъялө жө-а, колөм во тані сідзи кымын жө төлыс пуксис.

А талун ыджыд вичкоас ветлас да мамсө молитванас казьтылас, сись пуктас. Гортсаясыс, көнкө, гу вылө кайласны.

Син водзас чужан керкаыс серпас моз петкөдчис, воръя шор дорас лэчөдан туйыс, лөзөн дзирдыштылысь Сыктылыс. Батыслөн вөр пөрөдан да кыйсян кад матыстчө. Кыдзи бара Марья чойыслы овсыны кутас? Оласногыс батыслань мунөма, дөзмас кө, дыр оз сөрнит, чорыдасьө. Оз өна лөсявны ичиньыскөд. Малань аслас чойысь пөшти квайт арөсөн ыджыд. Марья куим арөса кага вөлі, кор мамыс эз ло. Тулыснас ва муртса вощьөм бөрын мамыс кырөмө лэчөдөма төв чөжөн кыөм дөрасө пожъявны, сөніка ваас пө өнджыка еждө. Кыяс нывбабаыдлөн өна кынмөма,

да дора помыс мынас, визулыс нуны кутас. Мамыс уськөдчас судзөдны, воськовтас, да көдзыд ваыс асьсө пыр жө и нылыштас. Сьөлөмыс пө, буракө, потөма, йөзыс шуисны. Мамыс эз ло да, Маланьөс, ыджыдджыктө, олөмыс эз понды жалитны. Машө чойсө ковмис быдтыны, батысылы отсасьны гортгөгөрсә уджъяссө вөчны, скөтсө дөзбөритны, төвнас горт овны, кор ыджыд пияныскөд батыс вөрәліс. Пекла мамыс вөйөмсянь куим во мысти батыс гөтрәсис, да кык чой тьөтка водз нывъясөн лоисны. Тьөткаыд өд абу мамыс, да и аслас челядь чужисны, налы дөзбөрыс коліс. Ыджыд нылыдлы мөд мамсяньыс чужөм воксө ковмис видзны. Сэссия дас вит арөсә нылөс вежаньыс вөзйыліс карын олысь Кузьбожев купеч семьялы слугаөн. Аттьө вежаньыслы: велөдчис купеч керкаад чөскыд сөян пуны, пусянінас отсасьны индылісны да. Во гөгөр оліс карас. 1913-өд вося сентябрө батыс дорө корасьысьяс локтасны: нылыд пө тиян шань, уджач, абу висьлөс, а миян пө пиным абу жө шыбитан. Сэссия приданнойсө эз уна корны, мыйтакө кыөм-печкөм көлуй да Пекла мамыслөн вөвлөм видз вылас кывйө воисны. Тайөн ки кутөмыс и помасис. Со и петны ковмис Педөр сайө, эз куавны, радейтчөмыс том йөз костын эм али абу. Жөниксө өнджыка төдіс сапөга кок шы сертигыс: «круп-кроп, круп-кроп» – Тима Олексей керка бокөд вадорө лэччөдысь вөла телега туйөдыс Мелкөй рөдысь Педөр нима зон кропөдліс водз асывнас вадорө чери кыйны либө вой жежлас домавлөм вөлысла. Вот сійө и лоис мужикнас, Маланняялысь асья унсө пальөдысь кок шылөн көзяиныс. Видзөднысө Педөрыс абу мисьтөм: кудритчысь пемыдруд юрсия, нырыс абу паськыд ни, веськыд, неуна тай гөрбтор эмышт лэчыда видзөдысь югыдлөз син весьтас кымын; паськыд пельпомъяса, тушанас Маланняялысь кивомлөсөн джуджыд. Педөр велөдчөма: кужө лыддысьыны, гижны – вичко школа помалөма. Отлаасьөм бөрас медводдза төвсө гозъя унджык кадсө олісны торйөн. Педөр вөрәліс, а том гөтырыслөн гортгөгөрсә уджыс вөлі тыр. Энька-мамыс эськө зөв на яр да уджач вөлі, да быдлаө өд оз жө тырмы кык кыд. Айкаыс коктөммылөма вөр пөрөдігөн,

пукалан уджъяс вöчышталіс: кöмкот дöмліс, сийöс-завод дзоньтавліс, гöлик-рос кöртавліс дась вайöм летороссьыс. Ыджыдджык нывсö, Дарьясö, верöс сайö сетöмаöсь нин вöлі, оліс чужан грездяньыс дас вит верст сайын. Абу эськö быттö ылын, а ас овмöснад олігөн он на зэв воливлы батьмам дорад, кöть сьöлöмыд чепöльтлас гажтöмысла да жалысла. Маланняöс моньнад вайисны да, энькаыслы кык кокныд лои. Ичмоньöс эз ков велöдны кресьянскöй уджтö бертны, быдторйö велалöма. И Педöрыс кокни сьöлöмөн вöраліс бать-мамыслы отсасьыснад.

...Да-а, сы мында вежсьöм лоис бөръя кык онас Маланнялөн! Воддза онас верöс сайö петіс, кольöм во ыджыд Перым карöдз воис, öні со оло-слугаалö, весиг рочасьны нин велаліс: Доброе утро. Барыня, кушать подано, извольте кушать. Можно ли выйти? да мукöдтор. Быттö и лöсьыда эськö овсьö, но гортсаясьыс гажтöмтчöмыс да на вöсна майшасьöмыс поздысьöма сьöлöмас, оз и бырлы. Вокьяссö да верössö тшöкыда казтывліс: көнöсь бара найö, коньөръяс, ловьяöсь али абу. Шог, ыджыд шог войнаыс вöчис йöзыслы. А Перымсяньыс нуöны и нуöны паровозьясыс том йöзсö да öружйöсö. Век оз тырмы. Кучерыслөн тай со вокыс усьöма, шогалö, кöсйö ас чужанінас мунны, сьöкыд лоöма семьяыслы мужик китöгыд овнысö да. А кымын усьöмыс татшöм кодъ жö семьяслөн роч му пасьяыс. Он тöд, мый думайтны, лөксö он кöсйы-а. Енмыслы кевмысьны да бурö эскыны колис. Малання гөгөрвоис эськö, мый сьöкыд гортас, но кольччис на татчö, думсьыс, мöд во тулысöдзыс.

Тайö тулыснас Вильгортö мунысь тöдсаыскöд юөр да уна-ö кö сьöмтор ыстыштіс гортас, олан адрессö тшöктіс гижыштны, сет пö батьöлы. Кыдзи бара олöны-а? Ёна-ö энькаыс видö, гожöм кежлас эз лок да. Но Маланнялөн кöсйöмьясыс эз на збыльмыны: колö на вурсян машина вылö жалöванньöсö чукöртыштны.

Кыліс öдзöс дзуртыштöм, тыдалö, вöвьясöс вердны-юктавны петіс конюкыс. Но и Манялы чеччыны кад, колö

господаѡс вердны дасьтысьны, тшай пузьѡдны, блин пѡжыштны, рок пуны. Да асьсѡ на колѡ удитны пелькѡдыштны пусьѡм бѡрас, кѡзьяйкаыс выль паськѡм вурѡдѡма сѡян ваялысьлы – пемыдлѡз рѡма штапель платтѡ, прѡшвиалѡм дора волысьяса кракмалитѡм еджыд партук, сэтшѡм жѡ баситѡм кѡсынка. Маланняяѡс кѡ кодкѡ Гарьяса паныдалас татшѡм паськѡмнад, дзик эськѡ оз и тѡд. Барушняѡн шуас.

Асылыс колис бура, да и луныс, мѡвпаліс Маня, оз лѡк ло. Пажынѡн господаѡс вердѡм бѡрын кѡсйис ветлыны тѡдса нывкѡд Кама ю берег пѡлѡныс гуляйтыштны. Поводьяыс эськѡ ыркыдкодъ, но празднигыс ѡд абу быд лун, дай шоныдджыка пасьтасяс, слабог, лѡсьѡдіс аслыс плис жакет, увтысалѡма и быдсѡн. Кѡвья сапोजкиасяс, кѡзьяйкаыслысь пѡдаритѡм кашемир чышгьянсѡ павкнитас, вѡсни шѡртгыс мича серѡн кыѡм кепысьсѡ сьѡрсгыс босьтас. Оз кынмы!

Господа лѡсьѡдчисны вичкѡѡ, паськыд кильчѡ пос дорас сулаліс-виччысис вевта телегаа вѡв. Маня идраліс пызан, кусѡдіс столѡвѡйысь бисѡ, лѡсьѡдчис тасьтї-пань мыськыны, пусянінсѡ пелькѡдыштны, тѡрмасис вичкѡѡ котѡртлыны.

«Маня, тебя у ворот девочка спрашивает», – пусянінѡ юрсѡ суйлѡмѡн юѡртис керка пелькѡдысь нывбаба. Больш усисны паньягыс Манялѡн кыысь. «Кутшѡм девочка? Кытысь?» – быдторсѡ здукѡн юрас бергѡдлѡмѡн котѡрѡн петіс ывлаѡ. Муртса югдысь ывласгыс синнас корсис ѡграда дорын виччысьысьѡс. Матыстчигас нин морѡсас мыйкѡ вѡрзис: сулалысьгыс быттѡ дзик мамыслѡн вѡвлѡмкодъ шоныд чышгьяна...

«Малань, тайѡ ме», – кыліс тѡдса гѡлѡс. «Марья! Ойя да ойя, Марья чойѡй, кыдзи нѡ тѡ вермин локнысѡ сы ылнасянны-ыс?» Чойяс кутчысьлісны, мыйкѡ шуалісны, пѡсь синваыс чѡсѡдіс чужѡмнысѡ. «Марьюш, кыдзи нѡ тѡ вермин, коньѡрѡй, дас кык арѡсаыс, кузь туйсѡ вуджны? » – бѡрдѡмсорѡн юасис Маланья, чойыслысь юрсисѡ чышгьян улас лѡсьѡдыштгї. – «Эг ѡтнам лок да. А Пѡкрѡвнад дас куим нин тырис. Вунѡдін?» – нюмдыштгїс Марья, нюжалыштѡм

тушаа, косіник, чужо́мас синмыс да паськыдкодь нырыс со́мын кольо́ма. Тшыгъя́лома, дерт, дыртё локтігөн.

Маня аддзис ко́зьяеваыслысь кильчо́ вылас петомсо́, чепосйис на́лань. «Аньписа Емельяновна, сестра меня пришла, Марья. Можно нет кормить?»

Козьяйкаыс шемосён видзодліс ичотик тушаа косіник нывка выло́, юалис, ыджыд-ё. Но по́ и повтом! Вердан, дерт, Маня. Шойччас мед, рыгна́с се́рнитам.

Кык чой пырисны керкао́ бокса о́дзосодыс. Пось се́янсьыс да роч пачсянь ы́мралысь шоныдсьыс нывкало́н лигышмуніс вир-яйыс. Чойыс водто́діс сійос асла́с крөва́тьо́, юасис, юасис. Сьоло́мыс Маланьло́н тайко́ сувтас, мыйо́н кыліс батгыслон куло́м йылысь. Пө́рөдчигас пу уло́ веськало́ма, шойсо́ гортас вайо́маось. Батыс эз ло, а ичиньыс эз и кут Марьяос чойыс дорө́ муно́мысь. Джадж вылас сулалысь о́браз водзын бо́рдіс да юрбитіс Маланья, синва пырыс шуалис: «Батьо́й, батьо́й, дженьыд жо́ тай нэмыд во́лома. Во́то вед усько́дчылін, быттьо́ выль банька аслыд лэпто́мыд да мамөко́д кыко́н кыйсьыны каяд. Чайті, гажто́мтчи да во́тала, а со мый, во́ломко́, лоо́ма! Сарство небесно́й да Ен милосьтыс тэныд!» Марья тшө́тш шлюпкис нырна́с. «Машо́, Петыр да Илля йывсьыд кутшө́мко́ юо́р во́лі эз?» Чойыс берго́длыштіс юрсө́, сэсся быттьо́ зэв коланатор дум вылас усис, пыркнитчис, тэрыба водзө́ висьталіс: «Елис энькаы́д шогысла висьмо́ма, Педө́рсяньыс неку́тшө́м юо́р по́ абу, а Петыр айкаы́д зэв нин омө́ль. Приданно́й виддзы́д таво ы́тшкыто́м коліс. Мед ко́ть по́ моньным локтас, жалитыштас да, а то уса́дьбаным по́ ставнас эндас».

Тө́вйисны кык чой Анфиса Емельяновна овмо́сын. Важ кучерыс муніс да, ныло́ по́, тэ сэтшө́м тэрыб да збой, во́в до́дьявны-ла́дзавны ку́жан, кучеро́н и ло, индіс уджсо́ ко́зьяйкаыс. Марья радпырысь кучералис, о́шинь увсьыс лым весавліс, Малань чойыслы отсасьышталіс. Тулыс пуксигөн чойяс бара торьялісны. Заводысь мунысьяско́д Маня-Маланья петіс гортла́нь туйо́. Сылон ра́м, жалитысь сьоло́мыс чуксалис чужани́нас. Сэні сыло́н горт, асла́с уса́дьба, го́линик, но ачыс ко́зьяйка, а тани́ – слуга. Тадзи

кымын мөвпаліс том ань ульсавны пондөм лым вывтi көлуй тыра ящиксö даддьөн кыскигөн. Син водзас дыр на вöлі шань көзйякаыс, ыджыд карас кольём чойыс, накөд синваөн прöщайтчöмыс...

«Эг и ло перымса барушняөн, вурсян машинатö эг вай ни», – шмонитöмөн казтывліс нажөвитчыны ветлөмсö Маланья Öлексеевна, Гаръяыс Силин Тима Öлексейлөн ныв.

1917-өд вося арнас гортас локтiс Педөр Петрöвич, воуйтöма «за царя», эзысь крестьясөн пасйöмаөсь вöлі сылысь повтöмлунсö. Маланья Öлексеевнакөд öтлаын олісны 58 во, быдтiсны нель челядьöс, медыджыдыс война вылын усьöма 1943-өд воö.

Кыкнан вокыс – Илляыс и Петырыс – эз воны чужан сиктас. Петыр нэм кежлас коли том зонмөн, Иллялөн челядыс быдмисны батыгыс, ставөн шань, рам йöz. Быдөн на пиысь бур паметь колис ас йывсьыс тайö олöмас.

Марья чойыс нэмсö оліс Перымын. Письмöясас век шыödчыліс ыджыд чой дорас «Дона чойöй, Маня, кызди олан?»...

2007 во



Тима Марья (Силина Мария Алексеевна)  
Лена внучкаыскөд. Перым кар, 1977 во

## ОВЕРИНЪЯС

*Гижӧдсӧ вӧлі йӧзӧдӧма*

*«Коми му» газетын 2005 вося декабр 3 лунӧ.*

*Тани лои содтӧма-пыртӧма олӧмын вежсьӧмторъяссӧ*

Дерт, кодкӧ Гарьяса Оверинъяс пӧвстысь вӧлӧма Мелкӧй прӧзвищеа рӧд пуктысьнас. Куим да джын нэмнад рӧдыс паськаліс-быдмис, коркӧ кодкӧ торъявліс, вежис рӧд нимсӧ либӧ овсӧ, водзӧ содтіс-нуӧдіс ассьыс нин рӧд-коленаяссӧ...

1941-1945 вося вир кисьтана войналӧн йӧлӧгаыс йӧз вежӧрын век олӧ. Кутшӧма сәки дзугсис, торксис олӧмыс. Мыйтаӧн эз воны муса чужанінас, ас гортас...

Ми, война бӧрас нин чужӧм-быдмӧм войтыр, сьӧлӧм чепӧльтана шог йывсьыс, ас рӧдлӧн сәкся став сьӧкыдлун йывсьыс тӧдам олӧмаджыкъяслӧн висьталӧм-казьтылӧмысь. Гашкӧ, нинӧм сәтшӧм вывтӧ тӧдчанаыс Оверинъяслӧн олӧмас эз вӧв, но казьтылӧмъясыс донаӧсь, посйысьӧмаӧсь вежӧрӧ.

Гарьяысь Меланья Алексеевна (ныв дырйиыс Силина) да Федор Петрович Оверинъяслӧн (Гарьяса прӧзвищеыс Федор Петровичсянныс — Мелкӧй) семьяыс война дырйи странаसा мукӧд войтыр моз оліс, зіліс-мырсис, кевмысис, мед венны фашистӧс, мед Ӧндрей пиныс ловйӧн воис гортас.

### **Ӧндрей (1921-1943)**

Ыджыд пинысӧ, Ӧндрейӧс, колхозса том ветеринарӧс, армияӧ босьтӧмаӧсь 1940-ӧд вося тулысын. Служитӧма Украинаса Овруч карын. Налӧн часьтыс медводдзаяс лыдын воча сувтӧма война биыслы. Гортас воӧм письмӧясын гижлӧма сы йылысь, кутшӧм кар либӧ сикт вӧсна косьын вӧлӧмаӧсь, мыйла лоӧма бӧрынӧтчыны. Чойыс, Анна Федоровна Кузьбожева, казьтылӧ: «Кымын письмӧ эз волы, ставыс помасис «Ми вермам!» кывъясӧн. Кыкысь ранитчӧм йылысь гижліс. 1942 воӧ письмӧыс дугдіс воны да усьӧмӧн чайтӧм.

1943-ӧд вося февралын вӧлисти локтіс дыр виччысяна юӧр. Кыдзкӧ, тыдалӧ, сюрӧма кадыс да гижӧма, петӧм пӧ

кытшысь, ёнмөдчыштім, мунам косясьон водзё, зырам немечтё. Кытшын вёлёмаось Сталинградын. Весьяквлім пö налькйö берегдорса öти ыджыд керкаын: ми пö, квайтөн, лыйсим-луйсим, патрон бырис, гөбөчас ланьтөдчим и петны ог вермөй. Немечлы ловйөн пö сетчыны ог көсьйöй, кодйысим пö му пытшкөдыс, мортлы кысьём вылө муöдыс розь писькөдiм, петiм Волга берегас...»

Тайö письмөыс чойыслөн оз и вунлы, бөрья вөли да. Андрей Федорович эз во гортас. И усьём йывсьыс юöрыс эз волы. Военкоматö шыөдчылөм бöрын волөма гижөд «Ваш сын значитса в числе пропавших без вести». Мамыс дыр виччысис, «без вести» пö, да, гашкө, локтас. Сидзи и эз во ни ачыс, ни юöрыс.

Меланья Алексеевна кувсис 1971-öд воö. И сöмын Победалы 40 во тыригөн войналөн архивьясысь век жö адзöмаось да юөртöмаось чойыслы, мый Андрей Федорович Оверин усьöма 1943-öд вося февральын (бөрья письмөыслөн локтан кадö) Белгород обласьтса карсикт вöсна тышын да дзёбöма сийöс усьöмаяслөн öтувьа гуö. Гувывса пöv вылас гижöма сылысь нимсö.

Öндрейöс пасйöма и миян республикаын йöзöдöм «Паметь небöгын». Öндрей вокныс чой паметяс век кольö осьса видзöдласа, лöz синма, ыджыд тушаа, ён, смел том зонмөн.


**Бать (1895-1977)** Батьыслы, Федор Петровичлы, война заводитчигас тырöма 46 арöс. Водзса мирövöй война вылас 19 арöсаөн нулöмаось, «эзысь крест» наградаөн локтöма гортас. Висьтавлiс, кызди немечьяссö сэки лыйлöмаось окопьяссияныс. Сэсса накөд жö бикур дорын öтлаын шонтысьлöмаось, кытчöдз пö офицерьяс оз пондыны горзыны. 1917 вося революциясö пыр шулис пöрьясьёмөн босьтөм власьтөн да мый регыд сийö кисьяс. Öни телевизор-газетьясын архив документьясыс серти лöсьöдöм гижөд-



передачаясысь тшөкыда лыддян да кылан, кыдзи сэки збыльысьсö вөлöма. И пыр жö дум вылö усьö ыджыд айнымлөн сёрниыс. А ог вöлі эскöй!

Федор Петрович вөлöма бур стрöйтчысьöн. Анна Федоровна нылыс казтылö, мый батыс ветлöма гырысь стрöйбаяс лэптыны: Нювчимö, Кажымö, Сереговö, Сольвычегодскö. Колхозад öд трудодень вылö уджалісны, а сійö сьöмтö вайыштліс.

1942 воö арланьыс и сылы воöма пöвестка. Арлыда нин войтырöс военкоматсянь чукöртлöмаöсь колхозьясысь фронт вылö вöвьясö нуны. Медводз найöс Мурашиöдз вöтлöмаöсь, сэсянь сэсся поездöн нуöмаöсь.



Ленинградöдзыс абу на воöмаöсь, немечыд бомба шыблалöма. Вöв вагоныс öйöма жö, но вермöмаöсь табунсö видзны, кöть повзёмйывсьыс пемöсьясыд первойсö пышъялöмаöсь. Чукöртöмаöсь — и вөрö. Ачыс Федор Петрович висътавліс: «Вөрö, дерт, кыгчö сэсся? Сэн и дзебсясьнысö позьö вöлі. Дай арнад тшак-вотöсыд уна, век нин сёянтор. Кодарö мунны, некод ог тöдöй. Сэсся пуяс да кодзукоткаръяс серти быттьö тай Питерлань нырвизьсö босьтім-а. Вöрас узьлім, войнас эг мунöй, шойччöдім скöтинасö. Да луннас туй тöдтöгыд мунігөн быдтор вермис лоны: ог тöдöй, немеч дорö матыстчам али асланым армиялань. Коймöд лунас бара бомба улö веськалім. Ловйөн кольöм дасысь унджык вөлöс ме петкөді ас йöз дінö. Миянöс, вөлöмкö, вежонысь нин дыр корсьöны...» Федор Петрович воис гортас 1943 – öд вося мартын.

### Öльöксан (1928-2009)

Войнаыс кöть ылын вöлі, семьялы овны лоис пыр сьöкыдджык. Нянь этша, паськөм абу жö. Мöстö, дерт,

видзисны да дзик тшыгъялөмөдзис, гашкө, эз волыны. Мамыс скөтниччаліс, водз асывсянь сёр рытөдз удж вылын.



Батьсө вөр пөрөдны мобилизуйтисны. Ыджыд нылыс карса педучилищеө пырис велөдчыны, гортсыс торъяліс, да сылы аслыс коліс отсөгыс. Мамыскөд сёрнитисны, арталісны, и дас куим арөса Ольөксан, гортас кольбысь пиянсыс ыджыдджыкыс, 1941-өд онас школаө эз мун, вөзйысис Пажгаса МТС-ө. Босьтисны трактористлы отсасысьсөн. Зіль зонкаөс казялісны, ыстылісны велөдчыны, да мөд онас

ачыс нин пуксис «У-2» вылө. Гөрис-көдзис му, турун да кер кыскаліс. Зіліс ёна, мед уна трудодень нажөвитны. Сэки и няньсө унджык юкисны. Верстыөкөд өтвесьт сэки уджаліс Ольөксан, и 1945-өд онас сетөмаөсь «За трудовую доблесть» медаль.

Том кадсө казтылігөн шулас вөлі: «Кызди уджавсьөма водз асывсянныс сёр рытөдзис? Да рытйысьны на ветлан вөлі удж бөрас. Мамөным ачыс пыр уджаліс, и миянөс сідз жө велөдіс. Кужө вөлі ышөднытө: ассыд уджтө пө вөч сідзи, мед выльысь эз ков вөчны да йөзыс дышөн мед эз шуны. Öтчыд, война бөрас нин, тулыснас гөри, Модя вокөй (1932-1988, 30 во трактор вылын жө уджаліс) плугаритіс, а мамө тракторъяслы




солярка кыскаліс вөлөн. Сійө рытнас көсья вөлі водзджык гортө лэччыны, ог нин виччысь соляркатө, мөвпала рытйысьсөм йылысь. А видзөда да, мамө му помас вөвнас сулалө. Нюммуныштөмөн шуө: «Ольөксан, соляркатө вайи да, вай ещө кытштө вөч». Мамө вылө дөзмыштлїкодь весиг, рытйысьсөмөй оз артмы да. Но мусө гөри помөдзис. Мамыдлысь нө он кывзы али мый. Пөдругаясөй, көнкө, ёна и виччысисны. Ачымөс кокөй гортөдз тай муртса вайис жө-а.

## Силин Алексей Ильичлөн рөд



Владимир



Евгений

Силинъяс

Тамара Алексеевалөн пиян



Тамара Алексеевна  
Подорова (1927– 1999)




Силин Евгенийлөн семья.

Ачыс Женя помалис Москваса гидромелиорация институт.

Гөтырыс Валентина Андреевна — математик (КГПИ).

Нывъясыс: Екатерина Евгеньевна, 1-4 классъяс  
велöдысь(КГПИ), Светлана Евгеньевна — биолог (СыктГУ).




# Силин рөдлөн ордпу

1800 -өдсянь 2011-өд воодз

6 кöлена

Паськалөм ыджыд рөдас паныдасыöны овъяс:

СИЛИН, Оверин, Конанов, Кузьбожев, Поляков, Подорова,  
Терентьев, Филиппов, Лютоев, Муравьев, Грабежов, Кулышев,  
Кутькин, Осипова, Иванов, Молчанов, Мосев,  
Костарев, Вяткина



**Оверина (Силина)  
Меланья Алексеев-  
налөн рөд**



2005-өд во. Оверинъяс:  
Александр Федорович (пи)  
Раиса Григорьевна  
гöтырыскöд

**Силина (Вяткина)  
Мария  
Алексеевналөн  
ныв**



Тамара.  
Тани сылы 17-18  
ар.  
(1929-1970?)  
Перым кар.



2010-өд во. Кузьбожев  
Александр Михайлович (внук),  
Кульшева Лариса (Валялөн  
ныв), правнучка, Муравьева  
Ия Михайловна (внучка)

**Полякова (Силина)  
Матрена Алексеевна  
пилөн семья**



Поляков Анатолийлөн семья рөдвужыскöд.  
Шöрас ичöтик зонкакöд (Саша внукыс)Толялөн  
Надежда Алексеевна гöтырыс (математик),  
орччөн сьöд ковтааыс Маша нылыс,  
балетмейстер, помаліс Питерын Профсоюз  
университет, мöд радас Василий пиыс (Юрик  
писö кутö), народнöй хорөн веськöдлысь,  
велöдчис Питерын, культура да искусство  
университетын, веськыдладорсянь первойыс  
Эдита нылыс.

Ёна уджалім, трудодень содтім. Няньнад сэсся кокниджыка овны кутім, трактористыдлы унджык сетны пондісны да».

1948-өд вонас Ёльёксанёс босьтисны армияё. Служитём бёрас уджалыштис Пажгаса МТС-ын, а сэсся том морт думыштис да лэччис карё. 1952-өд воё пырис уджавны Сыктывкарса 1 номера ремесленной училищеё. Мехкадрьяс дасытан школаас Александр Федорович велөдіс том йёзёс бура төдны трактор.

Александр Федоровичлөн уджыс пыр вөлі йитчёма техникакөд. Шойччыны петтөдзыс уна во зілис стрөйтчан управлениелөн мехколоннаын. Унаён төдісны да пыдди пуктисны сійёс, кыдзи төлка механикёс, бур мортёс. Правительство вылө донъяліс сылысь уджсё, да Александр Федорович Оверинлөн содіс нөшта өти награда — Трудөвөй Красной знамя орден.

1955-өд воё бур оласнога, уджач морт гөтрасис ас кодыс жё авья ныв Раиса Григорьевна Безносова вылө. Визинса Рай грездын чужём-быдмём ныв зэв томён кольёма бать-мамтөгис, водз петёма аслас туй вылө. Көкьямыс во уджалёма дезинструкторён Изьва районын, а 1955 –өднас локтёма Сыктывкарё медсестраясёс велөдан курсьяс вылө. Луннас уджаліс, рыгнас велөдчис. Карын паныдасисны да йитисны ассыны олөмнысё Ёльёксан да Раиса. Уджалісны, велөдчисны, лэптисны карын аслыныс керка, быдтисны куим челядьёс

Ёльёксан кувтөдзыс век ноксис-вөчис мыйкө. Ас керкаад олөгөн тай тырмө уджыд. 2005-өд воыс Оверин гозьялөн вөлі зэв төдчана. Пасйисны Победалы 60 во и өтувья олөм заводи-



төмсянныс 50 во тырём. Зарни свадьбанас чолёмалисны, быд бурсё сиисны ныв-пиыс, внукьясыс, ыджыд рөдвужыс. Мича сьыланкывъяс юргисны пызан саяс.

Раиса Григорьевналөн, Изьваса народнөй хорын вөвлөм сьылысьлөн, гөлөсыс ен ськөдөн, вына, лөсьыд. Ольёксан верөсыскөд петкөдчисны кыпид лолаөсь, шаньёсь, кужисны кө уджавны, кужисны и гажөдчыны. Бурис и сьөкыдлуныс сюрлис, а өта-мөдсө радейтөмыс да пыдди пунктөмыс абу сёмма. Татшөм олөмыд и зарнисьыс на дона.

...

Александр Федорович кувсис 2009 вося октябр төлысьө. Шоныдін да югыдін менам шань, дона вежайлы. Век төждысис ме понда, бать моз.

Оз тырмы сійө меным, оз отсась сійө муса гөтырыслы, оз сёрнит челядыскөд да внукьясыскөд. Казьтылам, видзам сьөлөмын вежайным йылысь паметьсө.

2011 во



Сыктывкар. 2005 во, август. Зарни свадьба дырйи  
Овериньяслөн керка дорын.

## ВЕЛӖДЫСЬЯС

ВелӖдысьясӓн лoисны Тима Ӗлексей Иванович Силинлӓн внукьясыс, паськалӓм—содӓм рӓд кӓленаясын быдмӓм пра да праправнукьясыс:

Силин Василий Ильич – математик;

Силина Тамара Алексеевна – математик;

Лидия Александровна Терентьева (Конанова) – начальнӓй классьяс велӖдысь;

Валентина Викторовна Филиппова (Терентьева) – помаліс Сыктывкарса университет, филология наука кандидат;

Анна Федоровна Кузьбожева (Оверина) – начальнӓй классьяс велӖдысь;

Валентина Михайловна Грабежова (Кузьбожева) – коми кыв да литература велӖдысь;

Ия Михайловна Муравьева (Кузьбожева) – биолог;

Александр Михайлович Кузьбожев – физик;

*А.Ф.Кузьбожевалӓн внучкаяс:*

Лариса Геннадьевна Кулышева помаліс пединститут, педагог-психолог, дошкольнӓй образованиеын специалист;

Наталья Александровна Кузьбожева помаліс Дружба народов нима университет Москваын, суйӓрсайса кывьяс велӖдысь.

*Матрена Ӗлексеевна Поляковалӓн (Силиналӓн) внукьяс:*

Мария Анатольевна Полякова — балетмейстер, хореография велӖдысь, помаліс Санкт-Петербургың профсоюз университет;

Дмитрий Кутькин — помаліс Коми пединститут, уджалӓ телевидениеын (ГТРК) репортерӓн;

Александра Кутькина — помаліс Коми пединститут, биология да геграфия факультет.

**Учительскую династию Кузьбожевых  
представляют три поколения.**

**Основатель династии  
КУЗЬБОЖЕВА АННА ФЕДОРОВНА**

учитель, ветеран труда, труженик тыла ВОВ, проживает:  
Республика Коми, Сыктывдинский район, с. Пажга.  
Тел. 8 (821) 30 -78-2-38.



Кузьбожева Анна Федоровна (в дев. Оверина) – 01.02.1925 г.р., место рождения д. Гарья Пажгинского Сельского совета. Родители – колхозники. Закончила в 1940 году Пажгинскую семилетнюю школу Сыктывдинского района Коми АССР. В 1940-1943 гг. учится в Сыктывкарском дошкольном педучилище.

В 1943 –1945 гг. работает воспитателем в Вомынском детском доме Сторожевского района (ныне Корткеросский район). В сентябре 1943 года, как одну из лучших учащихся, направляют вновь открывшийся детский дом в с. Вомын в качестве воспитателя. Детский дом был открыт для содержания детей дошкольного и младшего школьного возраста в основном немецкой, польской национальностей, привезенных из бывших оккупированных немцами территорий.

После получения диплома о среднем специальном образовании Анну Федоровну рекомендуют на должность инспектора по дошкольным учреждениям в Сторожевском районе, где работает с сентября 1945 г. по ноябрь 1947 г.

В связи с трудным материальным положением своих родителей в д.Гарья (на войне в 1943 году при наступлении в Белорусском направлении погиб их старший сын, среднего брата призывали в ряды Советской Армии, младший учился в школе). Анна Федоровна переезжает туда на постоянное место жительства с целью оказания материальной помощи.

В селе Пажга также был открыт детский дом для детей школьного возраста. Анна Федоровна работает с начала в качестве воспитателя, затем завучем, директором. Без отрыва от своей работы заочно заканчивает Сыктывкарское педагогическое училище, получает диплом учителя начальных классов. Большой опыт работы с детьми, умелое ведение хозяйства, ответственность за приумножение материальной части детского дома дали возможность Кузьбожевой А.Ф. успешно работать директором детдома более десяти лет. В годы ее работы директором Пажгинскому детскому дому по итогам соцсоревнования неоднократно вручали переходящее красное знамя. Многие из выпускников детского дома стали учителями, артистами, военными, работниками, нужными для развития народного хозяйства страны.

За хорошую работу с детьми, оставшимися без родителей, Анна Федоровна неоднократно была отмечена Почетными грамотами Министерства образования (тогда: просвещения) Коми АССР, ВЦСПС работников просвещения. В 1970 году был вручен нагрудный знак «Отличник просвещения РСФСР».

С 1972 года, после реорганизации детдома в школу-интернат, Кузьбожева А.Ф. переходит на работу в качестве воспитателя в интернат при Пажгинской средней школе, отсюда выходит на заслуженный отдых. Общий стаж работы – 43 года.

**Второе поколение – дети Кузьбожевой Анны Федоровны – все получили профессию учителя.**

1. Валентина Михайловна (Кузьбожева) Грабежова, дочь, 1947 г.р. – учитель русского и родного языков, автор учебно-методической литературы по коми языку для общеобразовательных школ РК, образование высшее. Стаж работы в образовании 45 лет: из них 23 года в школе (в т.ч. 17 лет – в Лозымской восьмилетней школе), 1,5 года – методист Сыктывдинского




роно, 21 год заведующий редакционно-издательским отделом ИУУ (ныне КРИРОиПК). В настоящее время — старший научный сотрудник Коми республиканского института развития образования. В. М. Грабежова — отличник народного просвещения (1995 г.), награждена Почётной грамотой Республики Коми (1998 г.), медалью ордена «За заслуги перед Отечеством» II степени (2001 г.). Она лауреат Государственной премии Республики Коми в области образования, в 2009 году удостоена почетного звания Заслуженный работник Республики Коми.

2. Ия Михайловна (Кузьбожева) Муравьева, дочь, 1950 г.р. — учитель биологии и химии, образование высшее, стаж работы в образовании 36 лет. Ия Михайловна — победитель конкурса учителей в рамках Приоритетного национального проекта «Образование» в 2007 году с вручением денежного вознаграждения. В 2000 году награждена нагрудным знаком «Почетный работник общего образования РФ». Учащиеся И.М. Муравьевой были постоянными участниками и победителями различных конкурсов, олимпиад республиканского, российского значения по экологическому образованию и краеведению.

3. Александр Михайлович Кузьбожев, сын, 1953 г.р. — учитель физики, образование высшее, стаж работы 36 лет. В настоящее время работает по специальности в общеобразовательной школе-интернате «Гимназия искусств при Главе Республики Коми». Награжден нагрудным знаком «Почетный работник общего образования РФ».

4. Мария Вячеславовна Кузьбожева (Логинова), невестка 1953 г.р. — учитель физики, директор Пажгинской средней школы, затем зам.министра образования Республики Коми, директор Гимназии искусств, депутат Госсовета РК, ныне помощник ректора Ухтинского государственного



технического университета. Она – заслуженный учитель Российской Федерации.

### **Третье поколение — внучки Анны Федоровны Кузьбожевой**

1. Лариса Геннадьевна Кулышева, 1968 г.р. – работник дошкольного образования, образование высшее, общий стаж работы 24 года. С 2008 года – методист по дошкольному образованию районного отдела образования МОУ «Сыктывдинский район». Награждена Почетной грамотой Министерства образования Республики Коми.

2. Кузьбожева Наталья Александровна, 1978 г.р. – учитель иностранного языка.



На встрече учительских династий  
Сыктывдинского района.с.Вильгорт. 2010 г

Слева направо: Ия Михайловна Муравьева (Кузьбожева), Валентина Михайловна Грабежова, Саша Кулышева (внучка Валентины), Лариса Кулышева.

## КАЗЬТЫЛӨМЪЯС...

Зэв ёна радейта кывзыны олөма нин йёзлысь казьтылөмъяссө. Асланыс ичөтдыр да том кад йивсьыс висьталігас югдылөны-томмыштлөны чужөмъясыс, вунлөны висьөмъясыс. Өтлаын сералыштам челядьдырся дурөмъяс вылас, норзылаам юр весьтаныс өшйылөм сьөкыдлунъяс йивсьыс казьтылігөн.

Весиг он вермы водзвыв мөвпыштныгө, мый арлыда пөчъясыс сэтшөм вильышөн вөлөмаөсь быдмиганыс. А овлісны эз кокни кадө: и гөльлунсө, и война кадсө, да и мукөд быдсикас шогсө пыклісны асланыс рөдвужкөд. Сөмын тай челядь дырйиыд ышмытөгыд да вильшасьтөгыд гажтөм жө, мед сөмын ставыс бур ногөн лоас-а. Матрена Өлексеевнаөс кывзігөн көть пыр вөлі серав. Олөмыс көть сьөкыд вөлі сылөн, кужис шмонитны, висьтасигас-сёрнитігас сэтшөм стөч, буретш лөсялана, серпаса кывъяс вөлі аддзалас. Кывзан сійөс да ловруыд кыптылө. Вежөрыс, паметьыс бөръя лунөдзыс югыд вөлі.

Олөма йёзлөн олөмысь кутшөмкө вөвлөмторъяс асьныс вөйысыөны висьтө гартыштчыны.

### Сибдін али мый?

❧ *Тима Матрен, Матрена Алексеевна Полякова  
(ныв дырйиыс Силина) казьтылөм серти.*

*Чужөма 1913-өд воын, куліс 2009 воын.*

*Меланья Алексеевалөн чой (мөд мамсянь),*

*Кузьбожева Анна Федоровналы вөлі ичинь ❧*

Батыс да вокыс бөрын пывсьыны лэччисны Матрен мамыскөд. Гожөм пуксигас скөр номъясыс курччалөмаөсь ичөт Матренлысь небыд яйсө, да пупырышъясөдз гыжъялөма кагаыд ки-коксө. Пывсянас лэччигөн мамыс меліа сёрнитіс водзвылас котөртись нельөд арөс вылө петөм быдтасыскөд, мед нылукыс озджык бөрд пөсь корөсьнас

пывсьөдигөн. «Мамыс кунва лөсьөді юртө мыськыштны, небыд ванас асьтө пожйыштны».

Нылукуыслысь юрсисө мыськөм-пожъялом бөрын мамыс лемень көш тыр васө койыштіс изья гор вылас, а корөсьсө небзьөдіг-мозыс тшөктіс Матренлы кайны вылыс лабичас. Нывкалы, дерт, пывсян жарыд некутшөма оз ков, но лоө терпитны. Мамыс корөсяліс сылысь ки-коксө,



тшөктіс бергөдчыны мышнас. Ичөт Матрен, ньөжйөника лимзышталіг, пидзикокасис, лөсьөдіс мамыслы мышсө, а юрыс быгттьө ачыс и бергөдчыштіс пывсян стенса тшын петанін розьөдыс муртса өвтыштысь ыркыдлань. Пывсьөдан корөсьыс пөсьджык и пөсьджык лоис. Матрен бөрдігсорыс нин кыссис ыркыд сынөда розьлань, кыпөдчыштіс, и ичөт юрыс төдлытөг мыччысис ывлаас. Öні лолов, майбыр, ыркыднас!

Вешкыртчыштөм вома Матрен аддзис дзык пывсян бердас йирсьысь Серөдсө, абу на йөртөмаөсь картаас. Ывлаын кө, вөтліс эськө ассыныс раминик мөссө гортас, а öні – кызди. Юрыс көть ывлаас чурвидзө, ачыс тушанас пывсянын, кокнас пөлөк пөвійө зымөдө, изья горсянь паськалысь өдйыс матө воштөма да. Мөскыд лэптіс юрсө бөрдөм шыад да аддзис жө Матренлысь гөрд чужөмсө, чуймис быгттьө, дугдіс турунсө няклявны. Вьль сөянөн чайтіс али жалитіс, пывсян дорсьыс вешйигмоз босьтіс да нюлыштіс сарөга кывнас шлюпкысь кагалысь бан боксө өтчыд дай мөдысь. Виччысьтөмысла нывка юрсө тракнитіс бөр перйыны, но юрыс бөрсө эз пыр. Мамыс дугдіс нин корөсьнас плачөдны, киськасьны пө лок, а юр оз шед, быгттьө налькйө веськаломө. Пондас кыскыны – нырыс парсассьө, доймө (чегас ещө!), мөд ног юрсө бергөдыштас – пельыс оз лэдз. Горзөмөн пондіс Матрен бөрдны. Мамыс

чайтіс, өдъя на пö, тыдалö, кагаыслы, восьтіс ляпкыдик пывсян öдзöссö. Киськасян васö лöсьöдіг видны нин кутіс: «Мый нö йöзсö повзёдлан, лэччы, став жарыс петіс. Сибдін али мый сэтчö?» А нылыц и збыль сибдöма. Ойя да ойя! Видлісны кыкөн Матренлысь юр перйыны – ни öтар, ни мöдар. «Мый нö ме верма? – ливкйöдлыштіс мамыс тіралан гөлөсөн. – Батыдла котöртла. Эн бöрд!»

Батыс Иван пыскöд абу на удитöмаöсь вадорö лэччыны. Котөрөн сорөн локтісны да черьясөн лэптыштлісны тшын петан розьладорсянныс дженьыд-джык кер помсö, и Матрен мездмис.

«Ладнö, дзоньнас пывсянсö эз ковмы разны да!» – сералис батыс.



## Оз вош!

*Anna Федоровна Кузьбожевэлöн  
(ныв дырйиыс Оверина, Мелкöй Анна) казтылöм серти.  
Чужöма 1925-öд вося февраль тöлысьын*

193...-öд воö Коми муын нуöдöмаöсь перепись.

Гижасьысьяс пырасны Гарьяса öти керкаö. Юасьöны овъяссö. Ичöt нылыслысь, коді зэв сюся видзöдіс локтöм йöз вылö, тшöтш юалöны:

– Кызди нö тэнö шуöны?

– Анна.

– Овыд кызди?

– Мелкöй.

–?!... Но, батыд - мамыд Овериньяс. А тэ Мелкöй?

– Да, менö ставөн Мелкöй Аннаөн шуöны, – зэв пыддиа висьтасис нывка.

– Но, нылö, он вош эськö да. Мöдысь сэсся тэ Оверина Аннаөн висьтась.

## Водзёс

Ёдя да Анна олоны орчча керкаясын да ичотсянныс пөдругаасёны. Көкъямыс арёса нывкаяс тушанас весиг өткодьёсь, визулөсь, небыдик юрсиныс кыкнаннyslөн пемыдруд, синъясыс сөстөм енэж рөмаёсь, восьсаёсь. Чойяс бытгё, сөмын Ёдялөн чужөмыс гөгрөсджык, а Анналөн косиндзи. Ёта-мөдтөгыс овнысө оз вермыны. Акангё вурласны, резёдасны, выльёс вөчасны, чомйөн ворсасны – челядь төждыс уна. Пинясласны, дөзмыласны, видзөдан да, бара нин өтлаынёсь. Кыдзи нө мөд ногыс? На кодь арлыда нывкаясыс матигөгөрас абуёсь, зонъяс сөмын. Пөдругаяс накөд оз ворсны, лёк ногөн дурөны да. Төвнас урокъяс бөрын эсийө Васё-басёыс нывторъяссө кымынысь лым толаас тойыштлис, бытгё мир туйыс векныд сылы. Онй гожөмнад оз велөдчыны, да сийө и виччысь сысянь кутшөмкө пакөсьт. То кычисө Ёдя вылө усьөдөма, то понйыс жө Аннаяслысь каньсө льөм пу вылө катөдөма. Нывкаяс эз эськө көйыны сетчыны, но зонмыдлы эз мөрчыв. «Сюрлас коркө аслыд!» – горөдласны, и ставыс тайөн помасьлис. Водзёс мынтөмыс артмис виччысьтөг.

Ёдяяслөн керкаыс ыджыд, джуджыд кильчөа. Ёти гожся лунө кык нывка чышкысисны посводзянныс кильчө улөдзыс, пуксисны асьыныс сёрнияссө сёрнитны кильчөвывса лабичас. Ёдя петкөдйс лемасьөм нель-ө-вит мампассьө кампет да пондйсны Аннакөд тяпкөдчыны. Кыськө гальки из лотшкысис кильчө пос вылас, сэсья мөд, коймөд. Керкаводзса пелысь пу сайсянь дзёбсьясьөмөн злөдей Васё бара нин дөзмөдчис нывкаяслы. Мый сылы колө? Нывкаяс копыртчисны, мед юрныс оз тыдав Васькалы, кыйөдчисны пөвъяс костөдыс сы бөрся. Талун Васёыс вежсьөма бытгё: юрсиыс шырөма, плеш водзас кольыштөмсө пыльөдөма, вөччан дөрөма. Нывкаясөс детинлөн вежсьөмыс эз вөрзёд, юраныс бергалйс өтитор: кыдзи мынтөдчыны сыысь.

Анналы син улас веськалыс өдзөс кольчауwsa розыс, кытй көв нюжөдөма пыгшкөсса калйчсө лэпгыны өдзөссө

восьтiгөн. Анна векджык нырщикалис, и, дерт, öнi сийö жö вежортiс, мый вöчасны. Зев öдийö пырисны Öдякөд сарайö, асланыс чомйö. Ворсан пельössö нывкаяслысь гажöдiсны сарай стенас öшлөм тар бордьяс, косьмөм ур бöж, молля важ сикöтш. Пызан пыдди увлань юрöдөм ящик вылын сулалiс ворсан шылльö-мылльö тыра потыштöм дора кринча. Сэтысь и адзисны водзöс дасьтысьясьд дозмөр коксö, важөн косьмөма, но гыжъяса и быдөн. Нывкаяс – Анна водзынджык – гым-гам петiсны кильчö вылас. «Василей, вай огö косясьöй, ми тэныд кампет сетам. Лок татчö!» – бурөн кутiсны корны. Васьö оз нин дзебсясь, нюмыртлiс вомсö, ог пö верит. «Збыль, лок, Öдялөн вокыс карысь мампассьö вайöма, то», – Анна перйылис вомсьыс нёнялан кампетсö. Зонка синкым увсяньыс сюся видзöдiс кык катша вылö, пөръяласны пö эськö да, но кампеттö гежöда сёйлö да вежыс петiс. Нимлун кузя мамыс эз жö чöсмöдлы юмовторнас-а, галан ваысь öтар. А öнi нем виччысьтöг кампет пайдыштöны. Василей повтöг нин кайис кильчö поскöдыс. Сэк костi пöдругаяс жбырк пырисны посводзас да гульс-гольс каличасисны. Шуöны: «Васьö, тэ сэсянь вомты восьты тайö розь весьтас, а ми вомад мампассьöсö пуктам». Зонмыд кöйгырасьыштiс, но кывзысис, восьса вомсö лöсьöдiс розяс, дуллыс чукөрмис кампетсö виччысигөн. А вомас зур! – шылыд юмов мампассьö пыдди пырис мыйкö ёсь гыжъя, вирöдз парсыштiс пинь ансö, льöбсö. А-а-а! – муртса эз гатшась виччысьтöмысла да доймöмысла. Бördдзис, нимтысьны кутiс, горзыны, мамнас повзьöдлiс. Анна да Öдя радлыштiсны первойсö, кужисны водзössö мынтыны да, а чомъяс пырöм бöрын шогö усисны: а збыль кö мамыс локтас, нёръялас. Но дыр шогсьöм эз ло: найö öд вермысьясыс, мед думыштлас сэся налы пакöститчыны. Мый корсис, сийö и сюрис. Нянь-солыд пö водзöса овлö.

А керкасьыс век жö лунтыр эз мыччысьлыны, быттö абуось. Рытьядорыс нин гортас котöртны Анна сарай öдзöсöдыс петiс.

## Шышгъяс

*Быд кадö челядьыдлөн асланыс төждгъяс, ворсöмгъяс,  
көтö гөльджык олөмыс, көтö бурдджык, озырджык. Шуда олөм  
вылö надеяөн чужтöны найöс. И нюкыртчылö морöс пытшкыд,  
кор лөк вылö петöм верстö йöзлөн кыис лыбö вөрзбодны му  
вылас сöмын на овны пондысыяссö.*

1933-өд вося гожöмыс зэв мича сулаліс. Няныс и туруныс бура быдмис. Төв пöлыштігъясас, видзöдан да, ён заа суюс бытгö гыаліс. Колхозникгъяс бур нянь виччысисны. Вöрса сёяныс водз воис и. Турун пуктан кадö нин чöд да оз вотышталісны.

Тайö каднас верстö йöз пондісны сёрнитны кыгысыкö пышйöм шышгъяс йылысь. Кодгъяскö вöрысь аддзылöмаоь, дзевсисны пö, эз йöзасыны. Тшыгöсь пö, скөрöсь, мед эськö öткөн вотчысь ли, кыйсысь ли на шöрö он жö веськав. Кывсис, кутшöмкö сиктысь кагаöс гусялöмаоь. Страсытыс! Пышгъялысыяс йылысь повзбöдчан сёрнияс сёрниясөн и колисны челядь вежөргъясын, кывзиганыс көтö полисны жö.

Анна да Öдя, кык тэрыб, вöйысисны ветлыны вотчыштны матыс вöрö. Сьöрсыйс босьтісны Анналысь вокгъяссö: витöд ар вылö петöм Öльöксанöс да кык арöса Модяöс. Төвсö пöчыс дöзбөр улын кык ичöтыд олісны, а гожöмнас Аннуш найöс видзис, гортгөгöрса посни удгъяссö вöчигмоз. Вöрас мунісны тэрыбакодь, ичöt вокыс котөртышталіс тшöтш сералігтыр. Вотчисны осььсаингъясас, пыдö эз пырны, полисны, кутісны юраныс мамгъясыслысь öлөдöмсö. Да чöдйыс и сідзи уна воöма. Тыртісны босьтлөм дозгъяссö, сёйыштны на көсийсны, но ичöt Модя мудзис, ыждавны-бөрдны кутіс. Сю му бокөд лөсьбөдөм чорзбөм туйöдыс көмтөм кокгъяснас кыгі котөрөн, кыгі надзөнджык мөдөдчисны гортланьыс. Нывкаяс лөня сёрнитісны, кагасö зілісны бурөдны гора бөрдөмсыыс. Öдйөджык эськö пуштöминсö мунны! Модяöс мездорас то Öдя, то Анна босьтісны. Чойыслысь чөд тыра рачсö Öльöксан нускис-нуис. Тыдовтчисны керкаяс, гажаджык

бытгё лои, да и Модя дугдiс бёрдни-зыньгыны. Полёмыс колис бёрё.

Дзик виччысьтөг нянь му шёрсьыс кыськё сувтiсны да челядьлань петны кутiсны кык тёдтём дядьё: съод паськёмаось, нюрсмунём мугов чужёмаось, скёр синьясыс сiдзи и зыркьялёны. Со тай шыпьясыд! Танi и вёлёмаось! Джуджыда быдмём нянь пытшкас дзёбсьёны! Ётиыс пёлынтьiс вомсё, нюм пычкыштiс, пондiс челядьлы весьтас локны рочён мыйкё шуалiгтыр. Челядь повзисны, сувтыштлiсны, сёсся уськёдчисны мый вынсьыс котёртны, бёрддзынысё весиг эз удитны. Но ёдйё-ё котёртан ёкмысёд арёс вылё петём нывкаыд кага мездорнад? Дядьёыс кык воськолён и суёдiс, нюжёдiс кисё кагалань, нетшыштны бытгё кёсийс. Анна, повзёмысла паськёдём синма, ланьтёма, бытгё кывсё воштёма, ичёт воксё топыда кутiс нэриник сойяснас, кисьыс эз лэдз. Кыдзкё боквыв бертовтчёмён удайтчис водзё котёртыштны. Шып дядьёыс воськов кык вёчис, бара кисё нюжёдiс, кагасё асланьыс кыскыштiс. Модя шыр моз ланьтёма, самасьёма чойыслы голяас, оз лэдчысь, бубыля кодь тёдтёмсьыд повзёма да. Вёлись Анналён горёдомыс петiс: «А-а-а! Отсалёй кодкё! Ёльёкса-а-н! Котёрт, кор кодёскё!» Муткыль кодь детинка, бёрвылас видзёдлыв-лёмён, зiлис ёдйё тiрёдны отсёгла ылынкодь на сулалысь керкаяслань. Нывкаяс ёнi кыкнанныс нин синва сор горзiсны. Ёдя эз тёд, кыдзи отсавны пёдругаыслы кагасё топыдджыка кутны: ётарсянныс матыстчылас, мёдарсянныс, полё жё дядьёсьыс...

Мый на эськё вермис лоны, эз кё тыдовтчы вёрладорсянъ жё локтысь ас сиктса мужичёй, тасма костас чера. Повзёмён горзём шы вылад тэрыбджыка кутiс восьлавны. Енмыс, буракё, сiйёс вайёма. Сiйёс аддзём бёрын съод паськёмаясыс зэв ёдйё, кыдзи и петалiсны, бёр вошисны джуджыда быдмём, вальялысь сю пытшкас.

«Повзид? Дерт, повзяна делёыс да. Ёдйёдджык мунамёй, вёрсянныс, колёкё, кодьяскё видзёдчёны на».

Анна тайö лоөмторсö дыркодь на вöтавліс, быттö мырддисны ичöt воксö, эз вермы кутнысö, да садьмыліс сыркъялөмөн бөрдөмысь. Мамыс матыстчыліс, малыштліс юрöдыс: шань пö, шань, ставныд ловъяöсь, Ен сыкөдөн.



## Куритчисны... букварөн

*Öльöксан вежайлөн казътылөм серти*

1935 во.

Öльöксанлы, велөдчыны первой классö пырис да, сетісны буквар. Водзджык кодкө тайö букварнас велөдчöма нин, да коркаыс ротйысьöма, лист бокъясыс шедалöны. Велөдысьыс эськө тшөктыліс дзоньталыштны косяс-сьөминъяссö да видзчысьöмөн вөдитчыны небөгнас, но Öльöксанлөн мукөд могыс уна, небөг понда нö кутшөм сэн төждысьөм. Михайлö другыскөд школасыс петасны, да медводз гумла вылөдз мамысьяс дорö кайласны, гортас локтігөн пөттөдзыс ышмасны-дурасны, дзебсясьöмөн куритасны кос турун. Чигаркасö гартны кабала колыштö. Öльöксан коркө-мыйкө батыслысь гусьөн пайдыштліс, а батыс öні дыр кежлө Устьеö мунöма да, кытысь босьтан. Думыштöма та пöрйö букварсьыс листьяссö косялыштны, Дöра сумкасыс кыскис, кутшөм лист сюрис ки улас, юкис, мыйта колö чигаркасö гартыштны, мед кыкнанныслы ёртыскөд тырмас...

Урок вылас öтчыд велөдысь пектөдліс шыпас да тшөктіс восьтыны букварсьыс сійö листсö, көні сэтшөм шыпасыс эм. Öльöксан корсис-корсис, листаліс-листаліс, да эз и сюр шыпасыд – буретш сійöс куритöмаöсь Михайлö другыскөд. Лидя суседка небөгö ковмис видзöдны, оз эськө лэдз вöлі да, сэсся тай жалитыштіс, учительыс тшөктіс и.

Урок бöрас нывкаяс Анна да Лидя сералісны: «Буквар куритысь!»

2005 во

## ИЧӨТДЫРСЯЫСЬ ДЖЕНЬЫДИК СЕРПАСЪЯС



*Ичөтдырөс казътылігөн син водзё  
медводз сувтё менам муса, мелі да  
шань ыджыд мамой, сэсся  
мудеракодъ читкыртём синма,  
быттё век нюммуныштём чужёма  
ыджыд айёй. Аслам челядь кадысь век  
өвтё медся югыд, кыпыд, сёлём  
бердөс шонтана ру...*

### Гарьян

\* \* \*

Ыджыд мамкөд орччөн котөрта магазеедорса гумла  
вылө. Сэні вартёны сю, и ыджыд мам муно бергөдлыны  
вартан машинасо, а ме сыкөд.

— Маланья Алексеевнаыс талун кыкөн мунад? Кык  
трудодней пуктасы...

Ме ог төд, мый сійө трудоднейыс, но, думайта, буртор  
мыйкө лоө, тыдалө. Бурөн, ошкөмөн шуисны да.

\* \* \*

Мөдлапёлын ыджыд мамкөд мөс видзам: өчередыс  
миянлы воөма. Лөсьыд, шоньд, муртса төла. Видзөдам,  
өтарсянныс мед бадьяс оз пырны мөсьясыс, колхоз зорөдө —  
мөдарсянныс. Тайтөяс лөсьыда олөны, оз пышгьявны, өвадыс  
оз ёна дөзмөд. Найө куйлігкості сөйыштны пуксим. Ыджыд  
мам босьтөма гостор, ас пөжалөм рудзөг нянь, стеклө суляын  
йөв. Ыджыд мам кружка йөв мыччис. А сэні озйыс! Ог и  
юав, кор удитөма вотнысө, вомө сюяла чөскыд тусьяссө.

\* \* \*

— Маланья Алексеевна, Педөр дядьыд талун юыштöма да оз, тыдалö, вермы вуджöдчынысö. Вай мезды, вуджöдчышт, асывнас вежам...

Вой. Зэрö-шливгö. Сыктыв ю вомөн карбасөн вуджöдам Ньючимö кайысь машина, йöзöс. Ыджыд мамлы отсасыöны вуджысыасыс, а бöрсö — öтнас мырсыö ыджыд мам, да шырпи мында ме.

\* \* \*

Ар. Туйяс няйтöсь.

Удж бöрас ыджыд мамкöд петавлам рытйысьны. Тайö рытнас муним Пöльö Надьö тьöткаясö. Сэтчö жö локталісны ыджыд мамлөн да Надьö тьöткалөн пöдругаясыс, тшöтш Никандра гöтыр — миян рöдняысь тьöтка. Сьöрсыйс быдөн вайышталöмаöсь мыйкö сёянтор. Ыджыд мам пöжасис асывнас да öнi черинянь босьтiс, а ещö — самöкур турунвиж суляын.

Тайö рытнас ме первойысь адзылі сьылысь лöз ящик. Надьö тьöткалөн Веня пиыс восьтiс ящиксö, гöгрöс пызантор вылас пуктiс сьöд сöчөн (пласьтинка пö, шуис), ящикбокса чукля вугйөн бергöдлыштiс да сьöд сöчөн вылас сувтöдiс югъялысь ичöтик юр кодьöс. И пондiс кывны лöсьыд, гажа сьылöм.

Ставлы лоис гажаджык, йöктыны кутiсны.

— Йöкты, нылук, Надьö тьöткаыслөн талун именича!  
Йöкты!

Ме ичöтик, ыджыд мамлы муртса коскöдзыс, тшöтш чеччала накöд.

Мудзыштiсны. Вай пö сьылыштам асьным. Некор на эг кывлы, мед менам ыджыд мам тадзисö сьывліс:

Тэ, сорока-белабока,

науци меня летать,

невысока, недалеко,

тöлькö ми лава видать...

...Атгьö-пасибöасим Надьö тьöтлы, муналiм гортьясö.  
Аски пö бара удж вылö водза-водз.

\* \* \*

Мир туй бокын сулалам куимөн: кык Ваньё да ме. Тёлыс зэв ёсь, еджыд чышгьянёс пёльтіс, разис ыджыд мамён асья көрталёмсё. Ваньёяс лёсьёдёны чышгьянёс, но нинём оз артмы налён, пельёй бөр вощё, кынмё.

Локтё кысянькё Тима Ольга ичинь (тадзи Модя шуё, но и ме сідзи жё шыёдчыла ).

— Кытчё нё тайё челядьпияныс мунёны татшом төланас? — пёдыштанкодё гёлёсён юалё.

А ми и асьным на ог төдөй, кытчё, чышгьянёдам пё тай Валяёс, төлыс разёма да.

Ольга ичинь лёсьыда чышгьянёдіс менё. Ёні позьё гуляйтны, пель оз кынмы.

Мёдөдчим вадорлань: паракод пё кайё да, видзөдлам.

## ВИСЬТЪЯС

### Еджыд паракод да чаня вёв.

Тайё луннас ыджыд мам менё колис Галё Агни тьёткакөд. Сійё конюкаліс да лунсьёмөссё гортас вөлі. Ме дёзми ворсны керкаас, муні Ваньёясё. А сійё абу, батыс нуёдөма перевозё. Кильчё вылас сулалі да видзөді Сыктывлань. Кёні пё и перевозыс, ме сэтчё эг на ветлы.

Ой, паракод кайё! Еджыд, кор тутөстас, тшынён пуркйё. Ме котөрөн вадорлань. Векныдик пода туйөд конюшня бокті петі магазезя дорё, вёв телега туйөд котёрта вадорё, вадорё!

Мыйлакё туйсё потшөмаось вёв сийёс-завод видзан керка пельёссияныс да магазезя-кум пельёсөдзыс.

Кёсий вуджны джуджыд потшөссё, а паракодыд сэк кості өтвесьтасис мекөд. Ог нин су матөджыксё видзөдны. Пукси потшөс вылас, колльөді видзөдөмөн, кыдзи паракод кайис водзё.

Друг син улё вёвьяс веськалісны, магазезя водзас йирсисны. Вёв-мам бёрсяыс чань вөтлысис. Меным окота

чаньсö малыштны, вöтча сы бöрся, а сийö дзебсьö ыджыд вöв саяс. Ме гөгöрта вöв-мамсö... Сэсся быттö здук кежлö вошлi кытчöкö... Паляла, чечча, пета вöв кынöм улысь... Зэв ёна доймö бекйöй, бокöй мыйлакö ва... Юрöй жувгö... Потшöс костöдыс муртса кысси-вуджи, лимзiгтырйи зэв ньöжйö пондi кайны керöс паныд ворья шор боктыс, сэсся Семö Анна керкадорса векньыдик бор туйöдыс веськыдалi Агни тьötка керкалань.

Кызди и висьтасьны гортасаяслы, кöни ме вöли? Гортö ог мун, да и некод на абу. Пыри Агни тьötкаясö. Ули судтаас налөн ас вöчöм пу диван сулалiс. Ыджыд мамкөд кор волывлiм рыгйысьны, век сийö диван вылас пуксьылiм. И öни, пыри да, сэтчö пуксьышти. Шытöг ойöстi дойысла.

— Мыйкö тай бöрдöмыд? Мый нö лои? — ме дiнö копыртчöмөн юасьö Агни тьöt.

Сылы висьтаси синва сорөн, кызди ме ичöt чибöös конюшня дорсьыс видзöдi. Агни тьötка малыштис корöд, шуис:

— Эн бöрд, водыштлы, ыджыд мамыдъяс абуöсь на, а ботiтö да шариваритö косьтам.

Йöлөн юкталiсны менö Агни тьötка Тамара нылыскöд, водтöдiсны диван вылас. Бекйöй доймö, тшöктö думайтны, кызди висьтасьны ыджыд мамлы, мыйла ме дойми. Оз öд ошкы Агни тьötкаясысь мунöмсьыс. Шуа, быттö Галö керка пельöсöдыс лэбув вылас кöсий кайны. Ваньö первойөн кайис, а ме сы бöрся...

Садьми тöдса гөлöсысь:

— Валяыс тiянын на? Дырджык талун лои да...

Ывлаыс рöмыдкодь нин. Ыджыд мам мела локтöма. Чотiгтырйи матыстчи ыджыд мам дорö, повзьöдi няйт чужöмөн, синваöс киөн чышкалiгөн няйтыс кольöма-косьмöма.

— Чотан тай нö? Коктö дойдiн али мый? — чышгян помнас ниртiс чужöмöс да мелиа-нораа юасис ыджыд мамöй.

Юрөн довкиитi: да. И бöрддзи, вомöй вежыньтчис, синвайö вомö веськалiс. Ыджыд мам көшöльöдiс менö, мир

туй вомён тадзи вайис гортөдз. Идрассьома нин вёлём: Модя чожой отсасьома да өдийö и лоёма.

А öни пөрчөдiс менö, мыссыны тшöктiс. Ноко пö, кыгi-мый бара дойдалiн. Ыджыд мам адзис менсьым дойöс да чуймис:

— Кыдзи нö вермин татшöмасö усьны?

Ме пөръяси, дерт. Ог төд, эскис эз меным, а доймöминöс мавгышталiс, Модяöс лапкор нетшыштны ыстылiс, сэсся меным ляскалiс.

— Мыйла нö зонмаур моз керка пельöсöдыс каян, абу көйöй. Ичöt на да, дерт, усян. Ваньöыд öд ёнджык, ыджыдджык да. Роза Алякөд чомйөн ворс, а тэ пес поткөдлан да керка пельöсö вожасян. О господи-енмöй, прöстит!

Ыджыд мамлысь аскинас Кланя тьötка юасьома, Валяыд пö али абу вöвъяс дорас котралöма. Висьталöма, кыдзи веськавсьома менам вöв улас чань бөрсьыд вötлысигөн. Öшиньöд пö адзиди, көсийи котöртны мездыны, да кыдзкө öд вермöма пö петнысö, бөрдигсор нин пö вöли гортланьыд кайö.

— Кыдзи ещö юрад абу чужйöма ли тальччöма? Тэнö тай иган сайын лоö видзны...

Сы мында и олис пөръясьöмöй.

А чужйöминыс дыркодь висис, ывлаö эг петавлы, куйли весиг.

Татшöм мыжъяс бöрад ыджыд мам эз кут сэсся öтнамöс кольлыны, босьтлiс аскöдыс либö ыджыд айкөд перевозö ыстылiс. Лёк поводдя дырйи Кашин Анна тьöt ордын гожöм кежлас воссьöм яслиö кольлiс.

## Ыджыд ай

— Лок, пуксям да чигарка гартыштам, куритчам, — бытгё нюмъялö нисьö оз ыджыд ай, корö менö пачбокса лабичö аскöдыс ортчөн пуксьыны.

Ме весиг дугді пырига йов панялөмысь. А мый, ыджыд ай кө корё, поэё и пуксьывны орччөн.

Сетіс меным вундалөм газеттор, ченольнас табактор көшельсьыс сэтчө сьавкнитіс, сэссия босьтис да чигаркаөдзыс ачыс гартовтис, дулляліс-ляскис газет дорсё. Ме вомё скойөмөн видзөді-виччыси, кор сійө аслыс гартыштас да öзтыны пондас.

— Кыскышт, — шуө, — нённышт, тадзи и öзьяс.

Ассьыс öзтис и мелань биа истөг тувсё матыстис. Менам тшөтш öзйискодь гартыштөмторйыс, нённышти, но тшыныс виччысьтөг сатшкысис горшө. Пондіс кызөдны. Öти киөн чигаркасё кута, мөдөн вомёс тупка. Буретш тайө здукнас ыджыд мам пырис идрасянінысь, мёс юкталан ведраа.

— Тэ, Педөр, йөймин кө-а! Кагаыслы куритчан он жө сет. Эз на прамөя öтиторсьыс бурд, тэ бара мыйсюрё вылө велөдан, синтө сэн читкыралан.

Ыджыд мам увгис-видчис, ме, дерт шыбиті чигаркатө, паччөрө дзебси.

— Ме-ед, висяс кө, быдмас да оз понды мыйсюрөсө вөчны. Оз кө видлы, кысь төдас, поэё али оз.

Ыджыд айкөд та бөрын эг нин пуксьыв куритчынысө, көть нюмъялөмөн корлывліс на. Коркө шуө, вай пө либө тэкөд «Верую во единаго бога...» велөдчам сьывны. Мырсьыштис мекөд, но помөдзыс эг велава, сьөкыд, мися, сьыланкывйыд. А сійө зэв уна татшөм сьылансө төдө вөлі, öти бөрся мөдөс вермыліс наизусьт шарөдны-висьтавыны. Кыдзи юрас сэтшөм уна гөгөрвотөм кывйыс кутчысьөма?

Перевозщикаліс сійө гожөмгьяснас, вуджөдчис мөдлапөлө: пыжөн — йөзөс, карбасөн — машинаяс, телегаа вөвъясөс; лунын и войын, кор ковмас йөзыслы. Таті вуджисны Нювчимө, Устьеө мунысьяс, турун пуктысьяс, вотчысьяс. Прөст каднас ыджыд ай чери кыйис, пыжьяс дзоньталіс-мавталіс, пелысьяс вөчавліс.

Сэссия ыджыд ай радейтліс юыштны суртө, винатө. Гажмыштас, сэссия казтыглас, кыдзи война вылө ветлөма германечьяскөд воюйтны, а Лениныд пө сійө абу прамөй морт, а шпионт, а ачым пө ме — троцкис.

Өлөдасны вөлі йөзыс: Педөр дядь, кутшөм нө тэ «троцкис», сөран жө мыйкө, тюрмаө нуасны.

— Ме ог пол! — гөрбыльтчыштөм мышсө веськөдас, водз чуньсө чургөдөмөн кинас өвтчыны пондас. — Менө лыйлыны пондылісны Паджга вичко дорын, да сэки эг повзыл-а. Кык война пыр муні и... Өнітө мый!

Өти гожөмө мам вурөма вөлі сылы гөрд дөрөм. Бытгө сэтшөмыс и медъёна колө вөлөм, быд лун дөрөмсө новліс. Песлалыштасны да бара өдйөджык и пасьталас. Ылісянь вөлі тыдалө гөрд дөрөмыс, да йөзыс пыр и төдасны: то нө пө Педөр дядьыс да.

Эз өтчюд удайтчыв Педөр Петрөвичлы и вөртө пөрөдны, керкатө тшупны. Том дырйиыс гырысь стрөйбаяс лэптыны корлөмаөсь Нювчимө, Устьеө, весиг Кажымө ветлөма заводсө стрөитны. Ас семьяыслы кык судта керка лэптылөма жө войнаөдзыс на. Сэссия челядыслы быдөнлы керкаяс тшупны-сувтөдны отсаліс.

Озырлуныс мыйлакө абу чөжсьөма, көть ыджыд мамкөд нэм чөжыс уджалөмаөсь.

## РӨДВУЖЛЫ БУРСИӨМЪЯС

*Ичөтдырся вояс – шуда кадөй...  
Бытгө шондйөн югзьө быд лун.*

Менам паметъысь быдман кадөй  
Оз и вошлы, оз вушйы, оз вун.  
Бытгө осьлала ыджыд мамкөд,  
Кутө киөд, көть кытчө ог мун.

Кор и шойччыліс, кор и узьліс?  
Трудодень вылө бергөдіс удж.  
Ме тшөтш содгылі сюрөм мудзсө:  
Нинөм ас кежысь эг на куж.

Юрös малыштліс кор мелі кинас,  
Лёня шуыштліс видзана кыв,  
Бырліс полёмой, косьмыліс синва.  
Вот пö бур, менам шань ичöt ныв.

Мойдліс-висьтавліс рыгтя кадö,  
Кызди овлісны катша да шыр.  
Либö: вöвлöма пö Исус дядьö,  
Буртор удж йöзлы вöчлöма пыр.

Гусьön виисны лёк йöзыс сійös,  
Сылы эскысьыс эз тöд мед морт.  
Шань Исусыд пö енэжö кайис,  
Öнi пыр кежлö сэн сылön горт...

Ог и тöдлы, кызд унмовся чöла,  
Аски асывсö садьмодас кань.  
Бдждид мамукöй, зэра кöть тöла,  
Важön мунöма шедöдны нянь...

Пач водз дорышын рок тыра тасьтi,  
Пызан пельöсын кринчаын йöv...  
Меным асывсянь сёянтор дасьтыліс,  
Кодыр лунтырön гортын эз вöv...

Коркö босьтлывліс видз вылö, вөрö,  
Вотны велöдіс оз тусь и чöd.  
Кывзам вöлі, кызд йөлöга нерö...  
Ичötдырйиыд нинöm он тöd.

Содіс арлыдöй, лэбисны вояс,  
Муса серпасьяс пыр быгтьö тан:  
Мыйкö сёрнитам, кутчыся сояс...  
Орчön восьлалам кык ыджыд мам.

2009

## Мамлы

Уджйöза тэныд ме, уджйöза.  
Верма-ö бөр сетны водзöссö?  
Тэсянь öд босьтi бур вужъяссö,  
Овны мед кужöмön водзöсö.

Велöдiн, олöмöй шуда мед артмас..  
Меись көть бурджыка тöдан тэ –  
Олöмыд конйöдлö, гөрöдсö гартлö,  
Таысь век видзин да öлöдiн быдтастö.

Син дорыд вазыштлö казытылiг важсö.  
Он тай со олöмтö босьт да веж мöдön.  
Сьöкыдыс топöдлiс, тöдлiн и гажсö.  
Лёкыс да бурыс мый – сьöлöмыд тöдö.

Көть арöсыд лыдмö, юрсиыд пужъясьö,  
Төлкөн да ладön ачыд на олан.  
Ныв-пиыдлön быдтасъяс содтöны вужъяссö,  
Тэ ставыслы дона, ставныслы колан.

Уджйöза тэныд ме, уджйöза.  
Верма-ö бөр сетны водзöссö?  
Тэсянь öд босьтi бур вужъяссö,  
Овны мед кужöмön водзöсö.

*2008 во, февраль*

## Керка да сәні олысь

Видзөдчө керканым  
Өшинь ув вежласян мичас.  
Нимкодь, но коръяскө  
Ышловзём бытгёкө чужас.

Вөліс кө вөр пуөн,  
Туганнас ворсөдчис век на.  
Өні со морт киён  
Тшупөм, зэв колана керка.

Шогсө и бурьяссө  
Өтлаын мортыскөд юкис.  
Сюрліс тай быдторйыс  
Өтувъя олөмас ськөд.

Өні со пөрысьмис,  
Пөлынтьчис, дзуртыштө сюръя.  
Мортыс тшөтш норасьö:  
Чинөма эбөсыс, висьөдчө юрнас.

Киссьөмысь, пракмөмысь  
Дөзьөрсө кутө бур пиыс.  
Видзө и олысьсө –  
Чужтысьсө-быдтысьсө сійөс.

2007 - 2008

## 70 арös тыригкежлö

Гарья сиктысь петöм морт —  
Мелкöй Педör Öльöксан —  
Карö тшупис аслыс горт,  
Нэм джынсö нин олö тан.

Аддзис аслыс авъя гöтыр,  
Быдтис пиös да кык ныв.  
Сьöкыдлуныс колис вöтын,  
Он тай олiгад пыр сыв.

Мортыс ичötсянныс зиль,  
Трактор тöдö гуг и бан:  
Жугалöмсö сылысь, збыль,  
Шысьыс кылö Öльöксан.

Тшупас керка, тэчас пач —  
Ставыс артмас лöсьыд, бур.  
Гажödчигад, көчамач,  
Сыысь гажа морт оз сюр!

Öнi эськö сыв да ов!  
Шойччыштны нин воис кад.  
— Оз на лэпты, — шуö, — лов,  
Уджтöг овны — абу лад!

1998 во

Визиндорса Райысь  
Гарьяса монь Рая.  
Быдлаті зэв лосьыд, бур,  
Сыысь бур монь оз и сюр!  
Кужома тай Ольоксаныс!  
Аддзома тай сы ылсянныс!  
Лосьыд жө и гозъя  
Овмөдчис ас позъяс.

Бытгьö дзик на-й төрыт  
Киссис вина-сурис.  
Свадьба вылас ёна йөктім,  
Окасьнысö помтөг тшөктім.  
Бурсиөмъяс вөзйис быдөн,  
Оломыс мед тырас шудөн.  
Збыльмис вөзйөмыс бур йөзлөн —  
Оз и лёка овны гозъя.  
Кужома тай Ольоксаныс  
Бөрийнысö аслыс аньёс!  
Лосьыд, статья, мича, бур,  
Сыысь бурыс оз и сюр!

Быдтор зіля, ладөн вөчө,  
Артмө ставыс бура, стөча.  
Оласногыс абу крут —  
Некод норасыны оз кут.  
Рөдвуж ыджыд, паськыд —  
Кодлөнкө да — праздник.  
Григорьевна сьылö —  
Гөлөс мича, мыла.  
Вөлөма тай Ольоксанлөн  
Авъя гөтыр бөръян сямыс!  
Удж и гаж вылын пыр кыкөн,  
Өта-мөдлы — олөм пыкөд.

Рөдвужыцлы ставлы любө,  
Олөмыц кө лада, шуда.  
Оз на сійө прөста шед,  
Он кө сьөлөм пөсьтө сет.  
Со и зільө, олөм видзө.  
Челядь вөсна-с сьөлөм висьө:  
Олісны мед наысь бура,  
Этшаджык мед лёкыс сюрө.  
    Ыдждөдламөй талун вайө  
    Рая нима аньөс Райысь.  
    Дона вежайнымлысь пөвсө,  
    Муса аньсө, сьөлөм ловсө.

1998 во

\* \* \*

Коркө

и гожөмыс вөлі гажаджык,  
И олөмыс вөлі лададжык.  
Меліджык вөлі шондіыс,  
Төждысис Му шар пондаыс.

Өні...

сідз жө вежласьө төлыс-гожөмыс,  
Нимкодь чужтылө вөр-ва ловзьөмыс,  
Петлө воддза моз шонді-төлыссыс...  
Ачым эг на жө быттө пөрысьмы.

Визув ва мозыс олөм визувтө,  
Пыран-бергалан верстьө ковтысө.  
Жальөн казытылан томдыр вояссө—  
Визув лэбач кодь тэрыб бордыяса.

2009

## Куим нэма рөд

Пыди вужъяса пу —

Силин рөдлөн ордпу

Содис-паськаліс лөз енвевт улас.

Медваж пöльыслөн вир,

медваж пöчыслөн ру

Олө, гашкө на, рөдса ныв-пилөн.

Овмөс ёнмөдіс рөдсыс быд пи.

Чужтіс челядьөс мусаник гөтыр,

Видзис горт, мед оз көдзавлы би,

Мудзём верөслы шоньдсө сетіс.

Батьсянь пиыслы вуджліс бур кыв,

Быдөн пияныс быдмыліс рамөн.

Шаньён, авьяён кывсис быд ныв —

Ыджыд рөднысө некод эз янөд.

Куим нэм мында зіль йөзлөн рөд

Сөвмис-содтысис чужан му вылын.

Өнъя быдмысьыс эськө

тшөтш вежөртас мед,

Кутшөм рөдвужсянь вир-ййыс сьлөн.

*2011, юнь*

## Юриндалысь

Рöd пу.....	3
Со кыдзи вёлöма.....	6
Лидия Александровна йылысь.....	14
Эз ло Перымса барушняён.....	16
Оверингъяс.....	27
Велöдысьяс.....	33
Казытылёмгъяс.....	38
Сибдін али мый? <i>М.А.Полякова серти</i> .....	38
Оз вош! <i>А.Ф.Кузьбожева серти</i> .....	40
Водзöс. <i>А.Ф.Кузьбожева серти</i> .....	41
Шышгъяс. <i>А.Ф.Кузьбожева серти</i> .....	43
Куритчисны ... букварён. <i>А.Ф. Оверин серти</i> ...	45
Ичötдырсяысь дженьыдик серпасгъяс.....	46
Висгъяс.....	48
Еджыд паракод да чаня вöv.....	48
Бдждыд ай.....	50
Рöдвужлы бурсиёмгъяс. <i>Кывбургъяс</i>	52
Менам паметгъысь быдман кадöй.....	52
Мамлы.....	54
Керка да сэнi олысь.....	55
А.Ф.Оверинлы, вежайлы.....	56
Р.Г. да А.Ф.Оверингъяслы.....	57
Коркö.....	58
Куим нэма рöd.....	59

\* \* \*

## Валентина Михайловна Грабежева (Кузьбожева)

### Родословная

*Очерки, рассказы, стихотворения*

*На коми языке*

\* \* \*

Отпечатано с готового оригинала на участке оперативной полиграфии

«Коми республиканского института развития образования»

Бумага офсет. Формат 60x84/16. Уч.-изд.л.2,65. Усл.-леч.л. 3,5. Тираж 100 экз.



